

備急千金要方卷第二十九 針灸

朝奉郎守太常少卿充秘閣校理判登聞檢院護軍賜緋魚袋孫林億等校正

明堂三人圖第一

三陰三陽流注第二上下

針灸禁忌第三

五藏六腑傍通第四

用針略例第五

灸例第六

大醫針灸宜忌第七

明堂三人圖第一

仰人十四門 側人六門

伏人十門

金澤文庫

夫病源所起本於藏腑藏腑之脉竝出手足循環腹背無所不至往來出沒難以測量將欲指取其穴非圖莫可備預之要非灸不精故經曰湯藥攻其內針灸攻其外則病無所逃

矣方知針灸之功過半於湯藥矣然去聖久遠學徒蒙昧孔
穴出入莫測經源濟弱扶危臨事多惑余慨其不逮聊因暇
隙鳩集今古名醫明堂以述針灸經一篇用補私闕庶依圖
知穴按經識分則孔穴親踈居然可見矣舊明堂圖年代久
遠傳寫錯悞不足指南今一依甄權等新撰爲定云耳若依
明堂正經人是七尺六寸四分之身今半之爲圖人身長三
尺八寸二分其孔穴相去亦皆半之以五分爲寸其尺用夏
家古尺司馬六尺爲步即江淮吳越所用八寸小尺是也其
十二經脉五色作之竒經八脉以綠色爲之三人孔穴共六
百五十穴圖之於後亦覩之便令了耳仰人二百八十二穴
背人一百九十四穴側人一百七十四穴穴名共三百四十
九單穴四十八名雙穴三百一名

仰人明堂圖

十四門一百五十七穴內三
十二穴單一百二十五穴雙

仰人頭面三十六穴遠近法第一

頭部中行上星在顛上直鼻中央入髮際一寸陷容豆

顛會在上星後一寸陷者中

前頂在顛會後一寸半骨陷中

百會在前頂後一寸半頂中心

頭第二行五處在頭上去上星傍一寸半

承光在五處後一寸不灸一本言

通天在承光後一寸半

頭第三行臨泣在目上眥直上入髮際五分陷者中

目窻在臨泣後一寸 正營在目窻後一寸

正面部中行神庭在髮際直鼻不刺

素窳在鼻柱端 水溝在鼻柱下人中

兌端在脣上端 斷交在脣內齒上斷縫

兌端在脣上端

斷交在脣內齒上斷縫

知土古本

承漿在頤前下脣之下
廉泉在頷下結喉上舌本

面部第二行曲差俠神庭傍一寸半在髮際

攢竹在眉頭陷中
精明在目內眥外

巨窠俠鼻傍八分直瞳子
迎香在和窠上一寸鼻孔傍

禾窠直鼻孔下俠水溝傍五分

面部第三行陽白在眉上一寸直瞳子

承泣在目下七分直瞳子不灸
四白在目下一寸

地倉俠口傍四分
大迎在曲頷前一寸二分骨陷中動脈

面部第四行本神俠曲差傍一寸半在髮際二云直耳上入

髮際四分
絲竹空在眉後陷中不灸

瞳子窠在目外去眥五分一名前關

面部第五行頭維在額角髮際本神傍一寸半不灸

顴窠在面軌骨下下廉陷中

上關在耳前上廉起骨開口取之

一名客主人

下關在客主人下耳前動脈下空下廉合口有空張口則閉
頰車在耳下曲頰端陷者中

脊部中央直下七穴遠近法第二

天突在頸結喉下五寸宛宛中

旋機在天突下一寸陷中仰頭取之

華蓋在旋機下一寸陷中仰而取之

紫宮在華蓋下一寸六分陷中仰而取之

玉堂在紫宮下一寸六分陷中
臆中在玉堂下一寸六分

橫直兩乳間
中庭在臆中下一寸六分陷中

腎部第二行六穴遠近法第三

俞府在巨骨下去旋機傍各二寸陷者中仰而取之

或中在俞府下一寸六分陷中仰卧取之

神藏在或中下一寸六分陷中仰而取之

靈墟在神藏下一寸六分陷中仰卧取之

墟或作墟

神封在靈墟下一寸六分

步郎在神封下一寸六分陷中仰而取之

腎部第三行六穴遠近法第四

氣户在巨骨下俠俞府兩傍各二寸陷中仰而取之

庫房在氣户下一寸六分陷中仰而取之

屋翳在庫房下一寸六分陷中仰而取之

膺窻在屋翳下一寸六分

乳中禁不灸刺

乳根在乳下一寸六分陷中仰而取之

腎部第四行六穴遠近法第五

雲門在巨骨下俠氣户兩傍各二寸陷中動脉應手舉臂

取之

中府在雲門下一寸一云一寸六分乳上三肋間動脈應手陷中 周榮在中府下一寸六分陷中仰而取之

膏卿在周榮下一寸六分陷中仰而取之 天谿在膏卿下一寸六分陷中仰而取之

食竇在天谿下一寸六分舉臂取之

腹中第一行十四穴遠近法第六

鳩尾在臆前蔽骨下五分不灸刺

巨闕在鳩尾下一寸

上管在巨闕下一寸去蔽骨三寸

中管在上管下一寸

建里在中管下一寸 下管在建里下一寸

水分在下管下一寸臍上一寸 臍中禁不刺

陰交在臍下一寸 氣海在臍下一寸半

石門在臍下二寸女子不灸 關元在臍下三寸

中極在臍下四寸 曲骨在橫骨之上中極下寸毛際陷中

腹第二行十一穴遠近法第七

幽門在巨闕傍半寸陷中

心藏卷云狹巨闕兩邊相去各一寸

通谷在幽門下一寸

陰都在通谷下一寸

石關在陰都下一寸

石闕一名

商曲在石闕下一寸

高曲一名

盲輸在商曲下一寸直臍傍各五分

中注在盲輸下五分

四滿在中注下一寸

肺藏卷云俠丹田

氣穴在四滿下一寸

婦人方上卷云在關元左邊二寸是右二寸名子戶

大赫在氣穴下一寸

腎藏卷云在屈骨端三寸

橫骨在大赫下一寸

腎藏卷云名屈骨在陰上橫骨中央宛曲如却月中央是

腹第三行十二穴遠近法第八

不容在幽門傍各二寸五分去任脉二寸直四肋端相去四寸

承滿在不容下一寸

梁門在承滿下一寸

關門在梁門下一寸太一上

太一在關門下一寸

滑肉門在太一下一寸 天樞一名長谿去肩輸一寸半

直臍傍二寸 脾藏卷云一名長谿狹臍 相去五寸一名循際

外陵在天樞下半寸大巨上

大巨在臍下一寸兩傍各二寸長谿下二寸

水道在大巨下三寸 歸來在水道下二寸 外臺作三寸

氣衝在歸來下一寸鼠鼷上一寸 素問刺熱論注云在腹略下橫骨兩端鼠鼷上一寸動脉應手

腹第四行七穴遠近法第九

期門在第二肋端不容傍各一寸半上直兩乳

日月在期門下五分 腹哀在日月下一寸半

大橫在腹哀下二寸直臍傍 甲乙云三寸

腹結在大橫下一寸三分 府舍在腹結下三寸

衝門上去大橫五寸在府舍下橫骨兩端約中

手太陰肺經十穴第十

少商在手大指端內側去爪甲角如韭葉

魚際在手大指本節後內側散脈中

大泉在手掌後陷者中此即太淵也避唐祖名當時改之今存此名不改正恐後人將為別是一穴也

經渠在寸口陷者中不灸

列缺在腕上一寸半手大陰絡別走陽明

孔最在腕上七寸手太陰郄也 尺澤在肘中約上動脈

俠白在天府下去肘五寸動脈 天府在腋下三寸不灸

臑會在臂前廉去肩頭三寸甲乙此穴在肩部外臺屬大腸銅人經屬三焦

手厥陰心主經八穴第十一

中衝在手中指端去爪甲如韭葉陷者中

勞宮在掌中央動脈 大陵在掌後兩骨間

內關在掌後去腕二寸外臺作五寸手心主絡別走少陽

間使在掌後三寸兩筋間

郄門在掌後去腕五寸內外臺云去手厥陰郄也

曲澤在肘內廉下陷者中屈肘得之

天泉在腋下二寸舉腋取之

手少陰心經八穴第十二

少衝在手小指內廉之端去爪甲如韭葉

少府在手小指大節後陷者中直勞宮大節又作本節

神門在掌後兌骨端陷者中

陰郄在掌後動脈中去腕半寸手少陰郄也

通理在腕後一寸手少陰絡別走太陽

靈道在掌後一寸半 少海在肘內廉節後陷中

極泉在腋下筋間動脈入骨

足太陰脾經十一穴第十三

隱白在足大趾端內側去爪甲如韭葉

大都在足大趾內本節後陷中肝藏卷云在足大趾本節內側白肉際

太白在足大趾內側核骨下陷中

公孫在足大趾本節後一寸足太陰絡別走陽明

商丘在足內踝下微前陷中

三陰交在內踝上八寸骨下陷中

漏谷在內踝上六寸骨下陷中太陰絡銅人經云亦名太陰絡

地機一名脾舍在膝下五寸足太陰却也

陰陵泉在膝下內側輔骨下陷者中伸足得之

血海在膝臚上內廉白肉際二寸半一作三寸

箕門在魚腹上筋間動應手陰市內

足陽明胃經十五穴第十四

厲兌在足大趾次趾之端去爪甲角如韭葉

內庭在足大趾次趾外間

陷谷在足大指次指外間本節後去內庭二寸

衝陽在足跗上五寸骨間去陷谷三寸二寸

解谿在衝陽後一寸半

豐隆在外踝上八寸足陽明絡別走太陰

下廉一名下巨虛在上廉下三寸 條口在下廉上二寸

巨虛上廉在三里下三寸 三里在膝下三寸胫骨外

犢鼻在膝臏下胛上俠解大筋中

陰市一名陰鼎在膝上三寸伏兔下第二十卷云在膝上當伏兔下行二寸臨膝取之

伏兔在膝上六寸不灸 髀關在膝上伏兔後交分中

梁丘在膝上二寸兩筋間或云三寸足陽明郄也

伏人明堂圖十門一百五穴內十六穴單八十九穴雙

伏人頭上第一行五穴遠近法第一

後頂在百會後一寸半 強間在後頂後一寸半

腦戶在枕骨上彊間後一寸半不灸

風府在項後入髮際一寸大筋內宛宛中不灸

瘖門在項後髮際宛宛中不灸

頭上第二行三穴遠近法第二

膈却在通天後一寸半

玉枕在膈却後七分半俠腦戶傍一寸三分起肉枕骨上入

髮際三寸

天柱俠項後髮際大筋外廉陷者中

頭上第三行三穴遠近法第三

承靈在正營後一寸半

腦空在承靈後一寸半俠玉枕傍枕骨下陷中一名顛顛

風池在顛顛後髮際陷中

伏人耳後六穴遠近法第四

顛息在耳後青脉間

瘦脉在耳本雞足青脉不灸

完骨在耳後入髮際四分

竅陰在完骨上枕骨下

浮白在耳後入髮際一寸

翳風在耳後陷中按之引耳中

脊中第一行十一穴遠近法第五

大椎在第一椎上陷中

陶道在大椎下節間

身柱在第三椎下節間

神道在第五椎下節間

至陽在第七椎下節間

筋縮在第九椎下節間

脊中在第十一椎下節間不灸

懸樞在第十三椎下節間

命門在第十四椎下節間

膏輸在第二十一椎下節間

長彊在脊骶端

脊中第二行二十一穴遠近法第六

大杼在項後第一椎下兩傍各一寸半陷中

風門一名熱府在第二椎下兩傍各一寸半

肺輸在第三椎下兩傍各一寸半 肺藏卷云對乳引繩度之

心輸在第五椎下兩傍各一寸半

膈輸在第七椎下兩傍各一寸半

肝輸在第九椎下兩傍各一寸半 第八卷云第九椎節脊中

膽輸在第十椎下兩傍各一寸半

脾輸在第十一椎下兩傍各一寸半 第八卷云脾輸無定所隨四季月應病即灸藏

輸是脾穴 胃輸在第十二椎下兩傍各一寸半

三焦輸在第十三椎下兩傍各一寸半

腎輸在第十四椎下兩傍各一寸半

大腸輸在第十六椎下兩傍各一寸半

小腸輸在第十八椎下兩傍各一寸半

膀胱輸在第十九椎下兩傍各一寸半

中脊輸在第二十椎下兩傍各一寸半

白環輸在第二十一椎下兩傍各一寸半

上竅在第一空脊髀下一寸俠脊兩傍

次竅在第二空俠脊陷中 中竅在第三空俠脊陷中

下竅在第四空俠脊陷中 會陽在陰尾骨兩傍

脊中第三行十三穴遠近法第七

附分在第二椎下附項內廉兩傍各三寸

魄戶在第三椎下兩傍各三寸

神堂在第五椎下兩傍各三寸

諛諱在肩膊內廉俠第六椎下兩傍各三寸

膈關在第七椎下兩傍各三寸

魂門在第九椎下兩傍各三寸 外臺云下

陽綱在第十椎下兩傍各三寸 外臺云推

意舍在第十一椎下兩傍各三寸

外臺云
九推下

胃倉在第十二椎下兩傍各三寸

肓門在第十三椎下兩傍各三寸

志室在第十四椎下兩傍各三寸

胞育在第十九椎下兩傍各三寸

秩邊在第二十一椎下兩傍各三寸

手少陽三焦經十七穴第八

關衝在手小指次指之端去爪甲角如韭葉

掖門在小指次指間陷者中

中渚在小指次指本節後間陷中

陽池在手表腕上陷者中

外關在腕後二寸陷中手少陽絡別走心主

支溝在腕後三寸兩骨間陷中

會宗在腕後三寸空中手少陽郄也

三陽絡在臂上大交脉支溝上一寸不刺

四瀆在肘前五寸外廉陷中

天井在肘後外大骨後一寸兩筋間陷者中屈肘得之

清泠泉在肘上三寸伸肘舉臂取之淵字亦是

消灤在肩下臂外開腋斜肘分下行

天宗在秉風後大骨下陷中外臺屬小腸經

臑輸俠肩窻後大骨下胛上廉陷下

肩外輸在肩胛上廉去脊三寸陷者中

肩中輸在肩胛內廉去脊二寸陷者中

曲垣在肩中央曲胛陷者中按之應手痛

手太陽小腸經九穴第九

少澤在手小指端外側去爪甲一分陷中

前谷在手小指外側本節前陷中

後谿在小指外側本節後陷中

腕骨在手外側腕前起骨下陷中

陽谷在手外側腕中兌骨之下陷中

養老在手踝骨上一空在後一寸陷者中手太陽郄也

支正在腕後五寸手太陽絡別走少陰

小海在肘內大骨外去肘端五分

肩貞在肩曲胛下兩骨解間肩髃後陷者中

外臺在三焦經

足太陽膀胱經十七穴第十

至陰在足小指外側去爪甲角如韭葉

通谷在足小指外側本節前陷中

束骨在足小指外側本節後陷中

京骨在足外側大骨下赤白肉際陷中

申脉陽蹻所生在外踝下陷中容爪甲

金門在足外踝下陷中一名關梁足太陰郄也

僕參一名安耶在足跟骨下陷中

崑崙在足外踝後跟骨上陷中

承山一名魚腹一名傷山一名肉柱在兌踠腸下分肉間陷

者中 飛揚一名厥陽在外踝上七寸足太陽絡別走少陽

承筋一名踠腸一名直腸在脛後從脚跟上七寸踠中央陷

中不刺 合陽在膝約中央下三寸

委中在脛中央約文中動脉

委陽在足太陽之前少陽之後出於脛中外廉兩筋間扶承

下六寸 浮郄在委陽上一寸展足得之

殷門在肉郄下六寸 扶承一名肉郄一名陰關一名皮

部在尻鬻下股陰下文中云尻鬻

側人明堂圖

六門八十
七穴雙

側人耳頸二十穴遠近法第一

頤厭在曲周顛顛上廉

懸顛在曲周顛顛中

懸釐在曲周顛顛下廉

天衢在耳上如前三寸

率谷在耳上入髮際一寸半

曲鬢在耳上髮際曲隅陷中

角孫在耳郭中間開口有空

和窳在耳前兌髮下動脈

耳門在耳前起肉當耳缺

聽會在耳前陷中張口得之

聽宮在耳中珠子大如赤小豆

天容在耳下曲頰後

天牖在頸筋缺盆上天容後天柱前完骨下髮際上一寸

缺盆在肩上橫骨陷中

扶突在氣舍後一寸半

天窗在曲頰下扶突後動應手陷中

天鼎在頸缺盆直扶突曲頰下一寸人迎後

人迎在頸大脈應手俠結喉傍以候五藏氣不灸

水突在頸大筋前直人迎下氣舍上一云水突在曲頰下

氣舍在頸直人迎俠天突陷中

側脇十穴遠近法第二

章門一名長平在大橫文外直臍季肋端

京門在監骨腰中季肋本俠脊

帶脉在季肋下一寸八分

五樞在帶脉下三寸一云在水道下一寸半

維道在章門下五寸三分

居膠在長平下八寸三分監骨上

泉腋在腋下三寸宛宛中舉臂得之中風卷云腋門在腋下攢毛中一名泉腋即淵

腋是也大包在泉腋下三寸

輒筋在腋下三寸復前行一寸著脇

天池在乳後一寸腋下著肋直腋掖肋間

側人手陽明大腸經二十穴遠近法第三

商陽在手大指次指內側去爪甲角如韭葉

二間在手大指次指本節前內側陷者中

三間在手大指次指本節後內側陷者中

合谷在手大指次指歧骨間

陽谿在腕中上側兩筋間陷中

偏歷在腕後三寸手陽明絡別走太陰

溫留在腕後小土五寸大土六寸一作小手陽明郄也

下廉在輔骨下去上廉一寸 上廉在三里下一寸

三里在曲池下二寸按之肉起兌肉之端

曲池在肘後轉屈肘曲骨之中

肘髻在肘大骨外廉陷中

五里在肘二行向裏大脉中不刺

臂臑在肘上七寸 脰肉端

肩窳在肩端臑上斜舉臂取之

秉風俠天窳外肩 上髃後舉臂有空

肩井在肩上陷解中缺盆上大骨前

天窳在肩缺盆中上髃骨之際陷者中

肩髃在肩端兩骨間

腋極篇云在肩外頭近後以手按之有解宛宛中外臺名扁骨

巨骨在肩端上行兩叉骨間陷中

足少陽瞻經十五穴遠近法第四

竅陰在足小指次指之端去爪甲如韭葉

俠谿在足小指次指歧間本節前

地五會在足小指次指本節後不久

臨泣在足小指本節後間陷者中去俠谿二寸半

丘墟在足外踝如前陷者中去臨泣三寸

付陽在外踝上三寸太陽前少陽後筋骨間

懸鍾一名絕骨在外踝上三寸動者中足三陽絡

陽輔在外踝上輔骨前絕骨端如前三分許去丘墟七寸

光明在足外踝上五寸足少陽絡別走厥陰

外丘在外踝上七寸足少陽郄也少陽所生

陽交一名別陽一名足竅陽維郄在外踝上七寸邪屬三陽

分肉間一本云踝上三寸陽陵泉在膝下一寸外廉陷中

闕陽在陽陵泉上三寸犢鼻外一本云闕陵

中瀆在髌骨外膝上五寸分肉間 環銚在髌樞中

足厥陰肝經十一穴第五

大敦在足大指端去爪甲如韭葉及三毛中

行間在足大指間動應手陷中

太衝在足大指本節後二寸或一寸半陷中

中封在足內踝前一寸仰足取之伸足乃得

蠡溝在足內踝上五寸足厥陰絡別走少陽

中都_{一名中都}在內踝上七寸胫骨中與少陰相值

膝關在犢鼻下三寸陷者中足厥陰郄也甲乙銅人經云二寸甲乙又以中郄為厥陰郄

曲泉在膝輔骨下大筋上小筋下陷中屈膝乃得

陰包在膝上四寸股內廉兩筋間五里在陰廉下二寸

陰廉在羊矢下去氣衝二寸動脈

足少陰腎經十一穴第六

涌泉一名地衝在足心陷中屈足捲指宛宛中肝藏卷云在脚心大指下大筋

然谷一名龍泉在足內踝前起大骨下陷者中婦人方上卷云在內踝前直下一寸

大谿在足內踝後跟骨上動脈陷者中

大鍾在足跟後衝中足少陰絡別走太陽

水泉在大谿下一寸內踝下足少陰郄也

照海陰蹻脉所生在足内踝下

伏留一名昌陽一名伏白在足内踝上二寸陷中

交信在内踝上二寸少陰前太陰後廉筋骨間築實在内

踝上踇分中

陰谷在膝内輔骨之後大筋之下小筋之上按之應手屈膝

而得之 會陰一名屏翳在大便前小便後兩陰間

已上三人圖共三百四十九穴

手三陰三陽穴流注法第二上

凡孔穴所出為井

所流為滎

所注為輸

所過為源

所行為經

所入為合

灸刺大法

春取滎

夏取輸

季夏取經

秋取合

冬取井

肺出少商為井手太陰脉也流於魚際為榮注於大泉為輸
過於列缺為源行於經渠為經入於尺澤為合

心出於中衝為井心包絡脉也流於勞宮為榮注於大陵為
輸過於內關為源行於間使為經入於曲澤為合

心出於少衝為井手少陰脉也流於少府為榮注於神門為
輸過於通里為源行於靈道為經入於少海為合

大腸出於商陽為井手陽明脉也流於二間為榮注於三間
為輸過於合谷為源行於陽谿為經入於曲池為合

三焦出於關衝為井手少陽脉也流於腋門為榮注於中渚
為輸過於陽池為源行於支溝為經入於天井為合

小腸出於少澤為井手太陽脉也流於前谷為榮注於後谿
為輸過於腕骨為源行於陽谷為經入於小海為合

足三陰三陽穴流注法第二下

胃出於厲兌為井足陽明脉也流於內庭為榮注於陷谷為
輸過於衝陽為源行於解谿為經入於三里為合

膽出於竅陰為井足少陽脉也流於俠谿為榮注於臨泣為
輸過於丘墟為源行於陽輔為經入於陽陵泉為合

膀胱出於至陰為井足太陽脉也流於通谷為榮注於束骨
為輸過於京骨為源行於崑崙為經入於委中為合

脾出於隱白為井足太陰脉也流於大都為榮注於太白為
輸過於公孫為源行於商丘為經入於陰陵泉為合

肝出於大敦為井足厥陰脉也流於行間為榮注於太衝為
輸過於中封為源行於中郛為經入於曲泉為合

腎出於涌泉為井足少陰脉也流於然谷為榮注於太谿為
輸過於水泉為源行於伏留為經入於陰谷為合

針灸禁忌法第三

針禁忌法

大寒無刺

素問云天寒無刺天溫無疑

月生無瀉

月滿無補

月郭空無治

新肉無刺

已刺無內

大怒無刺

已刺無怒

大勞無刺

已刺無勞

大醉無刺

已刺無醉

大飽無刺

已刺無飽

大飢無刺

已刺無飢

大渴無刺

已刺無渴

乘車來者卧而休之如食頃乃刺之

步行來者坐而休之如行十里頃乃刺之

大驚大恐必定其氣乃刺之

刺中心一日死其動為噫

刺中肺三日死其動為欬
刺中肝五日死其動為語

刺中脾十五日死其動為吞

刺中腎三日死其動為噎刺中五藏死日變動出素問刺

環死中脾者五日死中腎者七日死中肺者五日死又四時刺逆
從篇云中心一日死其動為噫中肝五日死其動為語中肺三日
死其動為欬中腎六日死其動為噎欠中脾十日死其動
為吞王冰注云此三論皆歧伯之言而不同者傳之誤也

刺中膽一日半死其動為嘔

刺中膈為傷中不過一歲必死

刺跌上中大脉血出不止死

刺陰股中大脉血出不止死

刺面中流脉不幸為盲

刺客主人內陷中脉為內漏為聾耳

刺頭中腦戶入腦立死
刺膝臏出液為跛

刺舌下中脉大過血出不止為瘖

刺臂太陰脉出血多立死

刺足下布絡中脉血不出為腫

刺足少陰脉重虛出血為舌難以言

刺郄中大脉令人仆脫色

刺膺中陷中肺為喘逆仰息

刺氣衝中脉血不出為腫鼠鼷

刺肘中內陷氣歸之為不屈伸

刺脊間中髓為偃

刺陰股下三寸內陷令人遺溺

刺乳上中乳房為腫根蝕

刺腋下脇間內陷令人欬

刺缺盆中內陷氣泄令人喘欬逆

刺小腹中膀胱溺出令人小腹滿

刺手魚腹內陷為腫

刺膻腸內陷為腫

刺目匡上陷骨中脉為漏為盲

刺關節中液出不得屈伸

神庭禁不可刺

上關刺不可深

缺盆刺不可深

顛息刺不可多出血

臍中禁不可刺

左角刺不可久留

雲門刺不可深

經云雲門刺不可深今則都忌不刺學者宜詳悉之

五里禁不可刺

伏兔禁不可刺

按甲乙足陽明經伏兔刺入五分則不當禁

三陽絡禁不可刺

伏留刺無多見血

承筋禁不可刺

然谷刺無多見血

乳中禁不可刺

鳩尾禁不可刺

灸禁忌法

頭維禁不可灸

承光禁不可灸

腦戶禁不可灸

風府禁不可灸

瘖門禁不可灸

陰市禁不可灸

下關耳中有干適低無灸

耳門耳中有膿及適低無灸

人迎禁不可灸 陽關禁不可灸

絲竹空灸之不幸使人目小及盲 承泣禁不可灸

脊中禁不可灸 乳中禁不可灸

瘕脉禁不可灸 石門女子禁不可灸

白環輸禁不可灸 氣衝灸之不幸不得息

泉腋灸之不幸生膿蝕 天府禁不可灸

經渠禁不可灸 伏兔禁不可灸

地五會禁不可灸 鳩尾禁不可灸

五藏六腑變化傍通訣第四

凡五藏六腑變化無窮散在諸經其事隱沒難得具知今纂集相附以為傍通令學者少留意推尋造次可見矣

五藏 腎水 心火 肝木 肺金 脾土

六腑 膀胱 小腸 膽 大腸 胃 三焦

五藏經 足少陰 手少陰 足厥陰 手太陰 足太陰

六腑經 足太陽 手太陽 足少陽 手陽明 足陽明 手少陽

五藏脉 沈濡 洪盛 弦長 浮短 緩大

五藏斤兩 一斤兩又云斤兩 十二兩三毛七孔 四斤四兩左三葉右三葉 三斤三兩六葉兩耳 二斤三兩

六腑斤兩 九兩二銖 二斤齒兩 三兩二銖 二斤十二兩 二斤齒兩

六腑丈尺 縱廣寸九寸 長丈廣寸四分 三寸三分 一丈二尺擴六 大尺五寸

六腑所受 九升合又云九升九合 二斗升 一合難經作合 一斗升 三斗五升

五藏官 後宮列女 帝王 上將軍又為郎官 太常言又為上將軍 諫議大夫

六腑官 水曹掾 監君吏 將軍決曹吏 監倉掾 內齋吏

五藏輸 十四椎 五椎 九椎 三椎 十一椎

六腑輸 十九椎 七椎 十椎 十六椎 十三椎

五藏募京門 巨闕 期門 中府 章門

六腑募中極 關元 日月 天樞 中管 石門

五藏脉出涌泉

中衝心經

大敦

少商

隱白

流甲乙然谷

勞宮心經

行間

魚際

大都

注大溪

大陵心經

大衝

大泉

太白

過水泉

內關心經

中封

列缺

公孫

行伏留

間使心經

中郄

經渠

商丘

入陰谷

曲澤心經

曲泉

尺澤

陰陵泉

六腑脉出至陰

少澤

竅陰

商陽

厲兌

關衝心經

流通谷

前谷

俠谿

二間

內庭

掖門

注束骨

後溪

臨泣

三間

陷谷

中渚

過京骨

腕骨

丘墟

合谷

衝陽

陽池

行崑崙

陽谷

陽輔

陽溪

解溪

支溝

入委中

小海

陽陵泉

曲池

三里

天井

五竅耳陰

舌口

目

鼻

脣

五養 骨精 血脈 筋 皮毛 氣肉

五液 唾 汗 淚 涕 涎

五聲 呻噫 言 呼 哭 歌

六氣 咽 吹呼 呵 噓 唏

五神 志精 神性又作 脉神 血魂 氣魄 意智又作 營意

五有餘病 脹滿 笑不止 怒 喘喝 仰息 淫洩 不利

五不足病 厥逆 憂悲一作 惠 恐 息利 少氣 四肢 不用 樂患

六情 惡哀 怵慮一作 惠好 好喜一作 喜 威怒 公正 姦邪

八性 貪狼 廉貞 陰賊 寬大 公正 姦邪

八性 欲忌 友愛 慈惠 氣正 公私 怨

五常 智謀 禮哲 仁肅 義又 信聖

五事 聽聰 視明 皃恭 三言從 思睿

五咎 急 豫 狂 僭 蒙

五音 吟詠 肆呼 諷 唱 歌

五聲 羽四絃 徵五絃 角六絃 商七絃 宮八絃

五色 黑 赤 青 白 黃

五味 鹹 苦 酸 辛 甘

五臭 腐 焦 羶 腥 香

五宜子來 酸 甘 苦 鹹 辛

五惡味之 甘 鹹 辛 苦 酸

五惡氣之 燥 熱 風 寒 濕

五數 一六 二七 三八 四九 五十

五行 水 火 木 金 土

五時 冬 夏 春 秋 季夏

五形外臺云 應五行之象 曲 兌 直 方 圓

五畜 豕外臺云 羊外臺云 鷄外臺云 犬外臺云 牛外臺云

五穀 大豆 麥 麻 稻 稷

五果 栗 杏 李 桃 棗

五菜 藿 薤 韭 葱 葵

論曰假令人腎心肝肺脾為藏則膀胱小腸膽大腸胃為腑
足少陰為腎經足太陽為膀胱經下至五藏五果五菜皆爾
觸類長之他皆倣此外臺續錄二十三條本非千金之舊今更不附入

用針略例第五

夫用針刺者先明其孔穴補虛瀉實送堅付濡以急隨緩榮
衛常行勿失其理夫為針者不離乎心口如銜索目欲內視
消息氣血不得妄行針入一分知天地之氣針入二分知呼
吸出入上下水火之氣針入三分知四時五行五藏六腑逆
順之氣針皮毛腠理者勿傷肌肉針肌肉者勿傷筋脈針筋
脉者勿傷骨髓針骨髓者勿傷諸絡

東方甲乙木主人肝膽筋膜魂

南方丙丁火主人心小腸血脉神

西方庚辛金主人肺大腸皮毛魄

北方壬癸水主人腎膀胱骨髓精志

中央戊己土主人脾胃肌肉意智

針傷筋膜者令人愕視失魂

傷血脉者令人煩亂失神

傷皮毛者令人上氣失魄

傷骨髓者令人呻吟失志

傷肌肉者令人四肢不收失智

此為五亂因針所生若更失度者有死之憂也所謂針能殺生人不能起死人謂愚人妄針必死不能起生人也

又須審候与死人同狀者不可為醫曹与亡國同政者不可為

謀雖聖智神人不能活死人存亡國也故曰危邦不入亂邦
不居凡愚人貪利不曉於治亂存亡危身滅族彼此俱喪三
國破家亦醫道也

凡用針之法以補寫為先呼吸應江漢補寫校升斗經緯有

法則陰陽不相干震為陽氣始於寅火生兌為陰氣終於戌土墓坎為

太玄華冬至之日離為太陽精為中女之象欲補從卯南躡地

戶至巽欲寫從酉北在天門針入因日明向寅針出隨月光從

向午午為日如此思五行氣以調榮衛用以將息之是曰隨

身寶

凡用鋒針針者除疾速也先補五呼刺入五分留十呼刺入

一寸留二十呼隨師而將息之刺急者深內而久留之刺緩

者淺內而疾發針刺大者微出其血刺滑者疾發針淺內而

久留之刺澁者必得其脉隨其逆順久留之疾出之壓其穴

勿出其血諸小弱者勿用大針然氣不足宜調以百藥餘三針者正中破癰堅瘤結息肉也亦治人疾也火針亦用鋒針以油火燒之務在猛熱不熱即於人有損也隔日一報三報之後當膿水大出爲佳

巨闕太倉上下管此之一行有六穴忌火針也大癆塊當停針轉動須臾爲佳

每針常須看脉脉好乃下針脉惡勿乱下針也下針一宿發熱惡寒此爲中病勿恠之

灸例第六

凡孔穴在身皆是藏腑榮衛血脉流通表裏往來各有所主臨時救難必在審詳人有老少躰有長短膚有肥瘦皆須精思商量准而折之无得一旣未致有差失其尺寸之法依古者八寸爲尺仍取病者男左女右手中指上第一節爲一寸亦

有長短不定者即取手大拇指第一節橫度爲一寸以意消息巧拙在人其言一夫者以四指爲一夫又以肌肉文理節解縫會宛陷之中及以手按之病者快然如此子細安詳用心者乃能得之耳

凡經云橫三間寸者則是三灸兩間一寸有三灸灸有三分三壯之處即爲一寸黃帝曰灸不三分是謂徒寬炷務大也小弱炷乃小作之以意商量

凡點灸法皆須平直四躡无使傾側灸時孔穴不正無益於事徒破好肉耳若坐點則坐灸之卧點則卧灸之立點則立灸之反此亦不得其穴矣

凡言壯數者若丁壯遇病病根深篤者可倍多於方數其久老小羸弱者可復減半依扁鵲灸法有至五百壯千壯皆臨時消息之明堂本經多云針入六分灸三壯更無餘論曹氏

灸法有百壯者有五十壯者小品諸方亦皆有此仍須准病輕重以行之不可膠柱守株

凡新生兒七日以上周年以還不過七壯炷如雀屎大凡灸當先陽後陰言從頭向左而漸下次後從頭向右而漸下先上後下皆以日正午已後乃可下火灸之時謂陰氣未至灸無不著午前平旦穀氣虛令人顛眩不可針灸也慎之其大法如此卒急者不可用此例

灸之生熟法腰已上爲上部腰已下爲下部外爲陽部榮內爲陰部衛故藏腑周流名曰經絡是故丈夫四十已上氣在腰老嫗四十已上氣在乳是以丈夫先衰於下婦人先衰於上灸之生熟亦宜搏而節之法當隨病遷變大法外氣務生內氣務熟其餘隨宜耳頭者身之元首人神之所法氣口精明三百六十五絡皆上歸於頭頭者諸陽之會也故頭病必

宜審之灸其穴不得亂灸過多傷神或使陽精玄熟令陰魄
再卒是以灸頭正得滿百脊背者是體之橫梁五藏之所繫
著太陽之會合陰陽動發令熱成疾灸太過熟大害人也臂
脚手足者人之枝幹其神繫於五藏六腑隨血脉出能遠近
採物臨深履薄養於諸經其地狹淺故灸宜少灸過多即內
神不得入精神閉塞否滯不仁即臂不舉故四肢之灸不宜
太熟也然腹藏之內爲性貪於五味無厭成疾風寒結痼水
穀不消宜當熟之然大杼脊中腎輸膀胱八竅可至二百壯
心主手足太陰可至六七十壯三里太谿太衝陰陽二陵泉
上下二廉可至百壯腹上下管中管太倉關元可至百壯若
病重者皆當三報之乃愈病耳若治諸沈結寒冷病莫若灸
之宜熟若治諸陰陽風者身熱脉大者以鋒針刺之間日一
報之若治諸邪風鬼注痛處少氣以毫針去之隨病輕重用

之表針內藥隨時用之消息將之與天同心百年永安終無
橫病此要略說之非賢勿傳秘之凡微數之脉慎不可灸傷
血脉焦筋骨凡汗已後勿灸此爲大逆脉浮熱甚勿灸
頭面目咽灸之最欲生少手臂四肢灸之欲須小熟亦不宜
多背背腹灸之尤宜大熟其腰脊欲須少生大體皆須以意
商量臨時遷改應機千變萬化難以一準耳其溫病隨所著
而灸之可百壯餘少至九十壯大杼胃管可五十壯手心主
手足太陽可五十壯三里曲池太衝可百壯皆三報之乃可
愈耳風勞沈重九部盡病及毒氣爲疾者不過五十壯亦宜
三報之若攻藏腑成心腹疹者亦宜百壯若卒暴百病鬼魅
所著者灸頭面四肢宜多多灸腹背宜少其多不過五十其少
不減三五七九壯凡陰陽濡風口喎僻者不過三十壯三日
一報報如前微者三報重者九報此風氣濡微細入故宜緩

火溫氣推排漸抽以除耳若卒暴催迫則流行細入成固疾不可愈也故宜緩火凡諸虛疾水穀沈結流離者當灸腹背宜多而不可過百壯大凡人有卒暴得風或中時氣凡百所苦皆須急灸療慎勿忍之停滯也若王相者可得無佗不爾漸久後皆難愈深宜知此一條凡人吳蜀地遊官體上常須三兩處灸之勿令瘡暫差則瘡癘溫瘧毒氣不能著人也故吳蜀多行灸法有阿是之法言人有病痛即令捏其上若裏當其處不問孔穴即得便快成痛處即云阿是灸刺皆驗故曰阿是穴也

太醫針灸宜忌第七

論曰欲行針灸先知行年宜忌及人神所在不與禁忌相應即可今具如左

木命人行年在木則不宜針及服青藥火命人行年在火則

不宜汗及服赤藥土命人行年在土則不宜吐及服黃藥金
命人行年在金則不宜灸及服白藥水命人行年在水則不
宜下及服黑藥凡醫者不知此法下手即困若遇年命厄會
深者下手即死

推天醫酉血忌等月忌及日忌傍通法

月傍通正二三四五六七八九十一十二

天醫酉寅丑子亥戌酉申未巳午辰呼師治

血忌丑未寅申卯酉辰戌巳亥午子忌針

月厭戌酉申未午巳辰卯寅丑子忌針

四激戌戌戌丑丑辰辰辰未未忌針

月殺戌巳午未寅卯辰亥子丑申酉不可舉百

翼外臺云丑戌未辰
丑戌未辰

月刑巳子辰申午丑寅酉未亥卯戌不療

六害巳辰卯寅丑子亥戌酉申未午不療病

右天醫酉上呼師避病吉若刑害上凶

推行年醫酉法

年至子丑寅卯辰巳午未申酉戌亥

天醫酉卯戌子未酉亥辰寅巳午丑申

求歲天醫酉法

常以傳送加太歲太一下為天醫酉

求月天醫酉法

陽月以大吉陰月以小吉加月建功曹下為鬼道傳

送下為天醫酉

推避病法

以小吉加月建登明下為天醫酉可於此避病

推治病法

以月將加時天醫曹加病人年治之差

喚師法

未 卯 巳 亥 酉 鬼 所在喚師凶

推行年人神法

臍 心 肘 咽 口 頭 脊 膝 足

一 二 三 四 五 六 七 八 九

十 十一 十二 十三 十四 十五 十六 十七 十八

十九 二十 二十一 二十二 二十三 二十四 二十五 二十六 二十七

二十八 二十九 三十 三十一 三十二 三十三 三十四 三十五 三十六

三十七 三十八 三十九 四十 四十一 四十二 四十三 四十四 四十五

四十六 四十七 四十八 四十九 五十 五十一 五十二 五十三 五十四

五十五 五十六 五十七 五十八 五十九 六十 六十一 六十二 六十三

六十四 六十五 六十六 六十七 六十八 六十九 七十 七十一 七十二

七十三七十四七十五七十六七十七七十八七十九八十八十一
八十二八十三八十四八十五八十六八十七八十八八十九九十

右九部行神歲移一部周而復始不可針灸

推十二部人神所在法

心辰喉卯頭寅眉丑千金翼作肩背子腰亥腹戌項酉足申膝未陰平股巳

一 二 三 四 五 六 七 八 九 十 十一 十二

十三十四十五十六十七十八十九二十二十一二十二二十三二十四

二十五二十六二十七二十八二十九三十三十一三十二三十三三十四三十五三十六

三十七三十八三十九四十四十一四十二四十三四十四四十五四十六四十七四十八

四十九五十五十一五十二五十三五十四五十五五十六五十七五十八五十九六十

六十一六十二六十三六十四六十五六十六六十七六十八六十九七十七十一七十二

七十三七十四七十五七十六七十七七十八七十九八十八十一八十二八十三八十四

八十五八十六八十七八十八八十九九十九十一九十二九十三九十四九十五九十六

右十二部人神所在竝不可針灸及損傷慎之

日辰忌

一日足大指

二日外踝

三日股內

四日腰

五日口舌咽喉懸癆

六日足小指

外臺云
手小指

七日內踝

八日足腕

九日尻

十日背腰

十一日鼻柱

千金翼
云及眉

十二日髮際

十三日牙齒

十四日胃管

十五日遍身

十六日胃乳

十七日氣衝

千金翼
云及脇

十八日腹內

十九日足跌

二十日膝下

二十一日手小指

二十二日伏兔

二十三日肝輸 二十四日手陽明兩脇

二十五日足陽明 二十六日手足

二十七日膝 二十八日陰

二十九日膝脛顛顛 三十日關元下至足心外臺云足跌上

十干十二支人神忌日

甲日頭乙日項丙日臂臂丁日脇戊日腹

巳日背庚日肺辛日脚壬日腎癸日足

又云甲乙日忌寅時頭 丙丁日忌辰時耳

戊巳日忌午時髮 庚辛日忌申時闕文

壬癸日忌酉時足

子日目 丑日耳 寅日口外臺云

卯日鼻外臺云 辰日腰 巳日手外臺云

午日心 未日足外臺云 申日頭外臺云

酉日背外臺云

戌日項外臺云

亥日頂外臺云

建日申時頭外臺云

除日酉時膝外臺云

滿日戌時腹

平日亥時腰背

定日子時心

執日丑時手

破日寅時口

危日卯時鼻

成日辰時脣

收日巳時足外臺云

開日午時耳

閉日未時目

右件時不得犯其處殺人

十二時忌

子時踝

丑時頭

寅時目

卯時面耳外臺云

辰時項外臺云

巳時肩外臺云

午時胃脇

未時腹

申時心

酉時背脾外臺云

戌時腰陰

亥時股

又立春春分脾立夏夏至肺立秋秋分肝立冬冬至心四季

十八日腎已上竝不得醫治凶

凡五藏主時不得治及忌針灸其經絡凶

又正月丑

二月戌

三月未

四月辰

五月丑

六月戌

七月未

八月辰

九月丑

十月戌

十一月未

十二月辰

又春左脇秋右脇夏在臍冬在腰皆凶

又每月六日十五日十八日二十二日二十四日小盡日療

病令人長病

戊午甲午此二日大忌刺出血服藥針灸皆凶

千金翼云不出月凶

甲辰

庚寅

乙卯

丙辰

辛巳此日針灸凶

壬辰

甲辰

巳巳

丙午

丁未此日男忌針灸

甲寅

乙卯

乙酉

乙巳

丁巳此日女人特忌針灸

甲子

壬子

甲午

丙辰

丁巳

辛卯

癸卯

乙亥此日忌針灸外臺云甲子日天子會丁巳日三公會丙

辰日諸侯會辛卯日大夫會癸卯日大人會乙亥日已上都會

又男避除女避破男忌戌女忌巳

凡五辰 五酉 五未 及八節先後各一日皆凶

論曰此等法竝在諸部不可尋究故集之一處造次易知所以省披討也

備急千金要方卷第二十九

薛忠平人金要方卷第三十九

自來信也

此法在諸將不可不備也

在末 又人強去各一曰

又用

如日滿其會辛卯日

以亥出日思惟文

備急千金要方卷第三十針灸

朝奉郎守太常卿充秘閣校理判登聞檢院上護軍賜緋魚袋臣林億等校正

孔穴主對法

論曰凡云孔穴主對者穴名在上病狀在下或一病有數十穴或數病共一穴皆臨時斟酌作法用之其有須針者即針刺以補寫之不宜針者直爾灸之然灸之大法但其孔穴與針無忌即下白針若溫針訖乃灸之此為良醫其脚氣一病最宜針之若針而不灸灸而不針皆非良醫也針灸而藥藥不針灸尤非良醫也但恨下里間知針者鮮耳所以學者深須解用針燔針白針皆須妙解知針知藥固是良醫

頭面第一

項目鼻耳口舌齒咽喉附

心腹第二

胃腸消渴

脹滿水腫

大小便不能食

嘔吐泄利

吐血 效逆上氣 賁豚附

四肢第三

手臂附
腰脊脚

肩背
膝附

風痺第四

癩癩尸厥
中惡尸注附

熱病第五

黃疸霍亂
瘧附

癭瘤第六

痔漏癩疔
陰病附

雜病第十

婦人第八

小兒附

頭面第一

頭病

神庭

水溝主寒熱頭痛喘渴目不可視

頭維

大陵主頭痛如破目痛如脫甲乙云喘逆煩滿
嘔吐流汗難言

崑崙

曲泉 飛揚前谷 少澤

通里主頭眩痛

竅陰 強間主頭痛如錐刺不可以動

腦戶 通天 腦空主頭重痛

消灤主寒熱痺頭痛

攢竹 承光 腎輸 絲竹空

和窳主風頭痛

神庭主風頭眩善嘔煩滿

上星主風頭眩顏清

顛會主風頭眩頭痛顏清

上星主風頭引頷痛

天牖 風門 崑崙 闕元 闕衝主風眩頭痛

瘰脉主風頭耳後痛

合谷 五處主風頭熱

前頂 後頂 頷厭主風眩偏頭痛

玉枕主頭半寒痛 甲乙云頭眩目痛頭半寒

天柱 陶道 大杼一作本神 孔最 後谿主頭痛

目窻 中渚 完骨 命門 豐隆 太白 外丘 通谷

京骨 臨泣 小海 承筋

陽陵泉主頭痛寒熱汗出不惡寒

項病

少澤 前谷 後谿 陽谷 完骨 崑崙 小海 攢竹

主項強急痛不可以顧

消灤 本神 通天 強間 風府 瘖門 天柱 風池

斷交 天衝 陶道 外丘 通谷 玉枕主項如拔不可

左右顧

天容 前谷 角孫 腕骨 支正主頸腫項痛不可顧

天容主頸項癱不能言

飛陽 涌泉 頷厭 後頂主頸項疼歷節汗出

角孫主頸頷柱滿

面病

攢竹 斷交 玉枕主面赤頰中痛

巨窞主面惡風寒頰腫痛

上星 顙會 前頂 腦戶 風池主 面赤腫

天突 天窞主面皮熱

腎輸 內關主面赤熱

行間主面蒼黑

大衝主面塵黑

天窞主頰腫痛

中渚主顙顙痛頷顙熱痛面赤

懸釐主面皮赤痛

目病

大敦主目不欲視大息

大都主目眩

承漿 前頂 天柱 腦空 目窻主目眩暝

天柱 陶道 崑崙主目眩又目不明目如脫

腎輸 內關 心輸 復留 大泉 腕骨 中渚 攢竹

精明 百會 委中 崑崙 天柱 本神 大杼 頷厭

通谷 曲泉 後頂 絲竹空 胃輸主目眩眩不明惡風寒

陽白主目瞳子痛癢遠視眩昏夜無所見

掖門 前谷 後谿 腕骨 神庭 百會 天柱 風池

天牖 心輸主目泣出

至陰主目昏

丘墟主視不精了目昏目瞳子不見

後谿主眇爛有昏

前谷 京骨主目中白翳

京骨主目反白白翳從內眥始

精明 斷交 承泣 四白 風池 巨窞 瞳子窞

上星 肝輸主目淚出多眵眦內眥赤痛養生白膚翳

天牖主目不明耳不聰

照海主目痛視如見星

肝輸主熱病差後食五辛多患眼闇如雀目

陽白 上星 本神 大都 曲泉 俠谿 三間 前谷

攢竹 玉枕主目系急目上插

絲竹空 前頂主目上插增風寒

承泣主目瞤動與項口相引甲乙云目不明淚出目眩瞢瞳

動與項口參相引

申脉主目反上視若赤痛從內眥始

三間 前谷主目急痛

大衝主下眦痛

陽谷 大衝 崑崙主目急痛赤腫

曲泉主目赤腫痛

束骨主眦爛赤

陽谿 陽谷主目痛赤

商陽 巨窠 上關 承光 童子窠 絡却主青盲无所見

顴窠 內關主目赤黃

掖門主目澀暴變

期門主目青而歐

二間主目眦傷

風池 腦戶 玉枕 風府 上星主目痛不能視先取諤

諤後取天牖風池

大泉主目中白睛青

俠谿主外眦赤痛逆寒泣出目癢

鼻病

神庭攢竹

迎香

風門

合谷

至陰

通谷主鼻

軌清涕出

曲差

上星

迎香

素窳

水溝

斷交

通天

禾窳

風府主鼻窒喘息不利鼻啞僻多涕軌有瘡

水溝

天牖主鼻不收涕不知香臭

甲云鼻軌不得息及

斷交主鼻中息肉不利鼻頭額頰中痛鼻中有蝕瘡

承靈

風池

風門

諶諶

後谿主鼻衄窒喘息不通

腦空

竅陰主鼻管疽發為癰鼻

風門

五處主時時嚏不已

肝輸主鼻中酸

中管 三間 偏歷 厲兌 承筋 京骨 崑崙 承山

飛揚 隱白 主頭熱鼻軌衄

中管主鼻間焦臭

復留主涎出鼻孔中痛

京骨 申脉主鼻中衄血不止淋瀝

厲兌 京骨 前谷主鼻不利涕黃

天柱主不知香臭

耳病

上關 下關 四白 百會 顱息 翳風 耳門 頷厭

天窻 陽谿 關衝 掖門 中渚主耳痛鳴聾

天容 聽會 聽宮 中渚主聾耳嘈嘈若蟬鳴

天牖 四瀆主暴聾

少商主耳前痛

曲池主耳痛

外關 會宗主耳渾渾淳淳聾聾無所聞

前谷 後谿主耳鳴仍取偏歷大陵

腕骨 陽谷 肩貞 竅陰 俠谿主頷痛引耳嘈嘈耳鳴

無所聞

商陽主耳中風聾鳴刺入一分留一呼灸三壯左右取

左如食頃

口病

承泣 四白 巨窞 禾窞 上關 大迎 顴骨 強間

風池 迎香 水溝主口喎僻不能言

頰車 顴窞主口僻痛惡風寒不可以嚼

外關 內庭 三里 大泉 甲乙云口僻刺大淵引而下之 商丘主僻噤

水溝 斷交主口不能禁水漿喎僻

斷交 上關 大迎 翳風主口噤不開引鼻中

合谷 水溝主脣吻不收瘖不能言口噤不開商丘主口噤不開

曲鬚主口噤

地倉 大迎主口緩不收不能言

下關 大迎 翳風主口失欠下牙齒痛

膽輸 商陽 小腸輸主口舌乾食飲不下

勞宮 少澤 三間 大衝主口熱口乾口中爛

兌端 目窻 正營 耳門主脣吻強上齒齟痛

大谿 少澤主咽中乾口中熱唾如膠

曲澤 章門主口乾

陽陵泉主口苦噎中介介然

光明 臨泣主舌齟齒頰

京骨 陽谷主自齟齒脣頰一作頰

解谿主口痛齧舌

勞宮主大人小兒口中腫腥臭

舌病

廉泉

然谷

甲乙作通谷

陰合主舌下腫難言舌癢涎出

風府主舌緩瘖不能言舌急語難

扶突

大鍾

竅陰主舌本出血

魚際主舌上黃身熱

尺澤主舌乾脇痛

關衝主舌卷口乾心煩悶

支溝

天窗

扶突

曲鬚

靈道主暴瘖不能言

中衝主舌本痛

天突主俠舌縫脉青

復留主舌卷不能言

齒病

厲兌 三間 衝陽 偏歷 小海 合谷 內庭

復留主齒齲齒

大迎 顴竅 聽會 曲池主齒痛惡寒

浮白主牙齒痛不能言

陽谷 正營主上牙齒痛

陽谷 掖門 商陽 二間 四瀆主下牙齒痛

角孫 頰車主牙齒不能嚼

下關 大迎 翳風 完骨主牙齒齲痛

曲鬚 衝陽主齒齲

喉咽病

風府 天窻 勞宮主喉啞痛

扶突 天突 天谿主喉鳴暴忤氣哽

少商 大衝 經渠主喉中鳴

魚際主喉中焦乾

水突主喉咽腫

掖門 四瀆主呼吸短氣咽中如息肉狀

間使主噎中如扼甲乙作行間

少衝主酸咽

少府 彘溝主噎中有氣如息肉狀

中渚 支溝 內庭主噎痛

復留 照海 大衝 中封主噎乾

前谷 照海 中封主咽偏腫不可以咽

涌泉 大鍾主咽中痛不可肉食

然谷 大谿主噎內腫氣走咽喉而不能言

風池主喉咽僂引項孳不收

喉痺

完骨 天牖 前谷 主喉痺頸項腫不可俛仰頰腫引耳後

中府 陽交 主喉痺胃滿塞寒熱

天容 缺盆 大杼 膈輸 雲門 尺澤 二間 厲兌

涌泉 然谷 主喉痺咽寒熱

天鼎 氣舍 膈輸 主喉痺咽噎噎咽腫不得消食飲不下

天突 主喉痺咽乾急

旋機 鳩尾 主喉痺咽腫水漿不下

三間 陽谿 主喉痺咽如哽

大陵 偏歷 主喉痺啞乾

神門 合谷 風池 主喉痺

三里 溫留 曲池 中渚 豐隆 主喉痺不能言

關衝 竅陰 少澤 主喉痺舌卷口乾

凡喉痺脇中暴逆先取衝脉後取三里雲門各瀉之又刺手

小指端出血立已

心腹第二

腎脇

通谷

章門

曲泉

膈輸

期門

食竇

陷谷

石門

主腎脇支滿

本神

顱息主腎脇相引不得傾側

大杼

心輸主胸中鬱鬱

肝輸

脾輸

志室主兩脇急痛

腎輸主兩脇引痛

神堂主腎腹滿

三間主腎滿腸鳴

期門

缺盆主胸中熱息責脇下氣上

陽谿

天容主腎滿不得息

曲池 人迎 神道 章門 中府 臨泣 天池 旋機

府輸主脊中滿

支溝主脇腋急痛

腕骨主陽谷主脇痛不得息

豐隆主丘墟主脊痛如刺

竅陰主脇痛欬逆

臨泣主季脇下支痛脊痺不得息

陽輔主脊脇痛

陽交主脊滿腫

環跳 至陰主脊脇痛無常處腰脇相引急痛

大白主脊脇脹切痛甲乙云腸鳴切痛

然骨主脊中寒欬唾有血

大鍾主脊喘息脹

膽輸 章門主脇痛不得卧胃滿歐無所出

大包主胃脇中痛

華蓋 紫宮 中庭 神藏 靈墟 胃輸 俠谿 步郎

商陽 上廉 三里 氣戶 周榮 上管 勞宮 涌泉

陽陵泉主胃脇柱滿

膻中 天井主胃心痛

膺窻主胃脇癰腫 乳根主胃下滿痛

雲門主胃中暴逆

雲門 中府 隱白 期門 肺輸 魂門 大陵主胃中痛

鳩尾主胃滿欬逆

巨闕 間使主胃中澹澹 大泉主胃滿數呼胃膺痛

中管 承滿主脇下堅痛 梁門主胃下積氣

關元 期門 少商主脇下脹

經渠 丘墟主脊背急脊中彭彭

尺澤 少澤主短氣脇痛心煩 間使主脊痺背相引

魚際主痺走脊背不得息 少衝主脊痛口熱

凡脊滿短氣不得汗皆針補手太陰以出汗

心病

支溝 大谿 然谷主心痛如錐刺甚者手足寒至節不息

者死 大都 太白主暴泄心痛腹脹心痛尤甚

臨泣主脊痺心痛不得反側 甲乙云不得息痛無常處

行間主心痛色蒼蒼然如死灰狀終日不得太息

通谷 巨闕 大倉 心輸 膻中 神府主心痛

通里主卒痛煩心中懊懣數欠頻伸心下悸悲恐

期門 長強 天突 俠白 中衝主心痛短氣

尺澤主心痛彭彭然心煩悶亂少氣不足以息

腎輸 復留 大陵 雲門主心痛如懸

章門主心痛而嘔 大泉主心痛肺脹胃氣上逆

建里主心痛上搶心不欲食

鳩尾主心寒脹滿不得食息賁唾血厥心痛善噦心疝太息

上管主心痛有三蟲多涎不得反側

中管主心痛難以俛仰甲乙云身寒心出衝冒死不知人

不容 期門主心切痛喜噫酸

靈道主心痛悲恐相引瘕瘕 盲門主心下大堅

間使主心懸如飢 然谷主心如懸少氣不足以息

郄門 曲澤 大陵主心痛 少衝主心痛而寒

商丘主心下有寒痛又主脾虛令人病不樂好太息

凡卒心痛汗出刺大敦出血立已

凡心實者則心中暴痛虛則心煩惕然不能動失智內關主之

腹病

復留 中封 腎輸 承筋 陰包 承山 大敦 主小腹痛

氣海 主少腹疝氣遊行五藏腹中切痛

石門 商丘 主少腹堅痛下引陰中

關元 委中 照海 大谿 主少腹熱而偏痛

膈輸 陰谷 主腹脹胃管暴痛及腹積聚肌肉痛

高曲 主腹中積聚時切痛

商曲一名

四滿 主腹僻切痛 天樞 主腹中盡痛

外陵 主腹中盡疼 崑崙 主腹痛喘暴滿

氣衝 主身熱腹痛 腹結 主繞臍痛搶心

衝門 主寒氣滿腹中積痛疼淫灑

間使 主寒中少氣 隱白 主腹中寒冷氣脹喘

復留 主腹厥痛 鳩尾 主腹皮痛搔癢

水分主石門主少腹中拘急痛

巨闕主上管石門陰蹻主腹中滿暴痛汗出

中極主腹中熱痛

行間主腹痛而熱上柱心忪下滿

大谿主腹中相引痛涌泉主風入腹中少腹痛

豐隆主胷痛如刺腹若刀切痛

脹滿病

中極主少腹積聚堅如石小腹滿

通谷主結積留飲癖囊胷滿飲食不消

膀胱輸主堅結積聚

胃管三焦輸主少腹積聚堅大如盤胃脹食飲不消

上管主心下堅積聚冷脹

三里章門京門厲兌內庭陰谷絡却崑崙

商丘 陰陵泉 曲泉 陰谷主腹脹滿不得息

隱白主腹脹逆息 尺澤主腹脹喘振慄

解谿主腹大下重 大鍾主腹滿便難

肝輸 包肓主少腹滿 水道主少腹脹滿痛引陰中

日月 大橫主少腹熱欲走太息

委中主少腹堅腫 關元主寒氣入腹

懸樞主腹中積上下行 懸鍾主腹滿

脾輸 大腸輸主腹中氣脹引脊痛食飲多而身羸瘦名曰

食晦先取脾輸後取季肋

陰市主腹中滿痿厥少氣 丘墟主大疝腹堅

京門主寒熱臄脹 高曲主腹中積聚

盲輸主大腹寒疝 乙云大 天樞主腹脹腸鳴氣上衝胃

氣衝主腹中大熱不安腹有大氣暴腹脹滿瘞淫樂

大衝主羸瘦恐懼氣不足腹中悒悒

期門主腹大堅不得息脹痺滿少腹尤大

太陰郄主腹滿積聚

衡門主寒氣腹滿腹中積聚疼痛

巨闕上管主腹脹五藏脹心腹滿

中管主腹脹不通疰大便堅憂思損傷氣積聚腹中甚痛作
膿腫往來上下

陰交主五藏遊氣 中極主寒中腹脹

太谿主腹中脹腫 三里行間 曲泉主腹臞滿

陷谷主腹大滿喜噫 衝陽主腹大不嗜食

解谿主厥氣上柱腹大 隱白主腹滿喜嘔

五里主心下脹滿而痛上氣

太白 公孫主腹脹食不化鼓脹腹中氣大滿

商丘主腹中滿嚮嚮然不便心下有寒痛

漏谷主腸鳴強欠心悲氣逆腹臑滿急

陰陵泉主腹中脹不嗜食脇下滿腹中盛水脹逆不得卧

蠡溝主數噫恐悸氣不足腹中悒悒

凡腹中熱喜渴涎出是蛔也以手聚而按之堅持勿令得移
以大針刺中管久持之中不動乃出針

凡腹滿痛不得息正仰卧屈一膝申一脚並氣衝針入三寸
氣至寫之

陰都主心滿氣逆腸鳴

陷谷 温留 漏谷 復留 陽綱主腸鳴而痛

上廉主腸鳴相追逐 胃輸主腹滿而鳴

章門主腸鳴盈盈然 膺窻主腸鳴泄注

太白 公孫主腸鳴 臍中主腸中常鳴上衝於心

陰交主腸鳴濯濯如有水聲

大小便病

豐隆主大小便澀難

長強 小腸輸主大小便難淋瘞

水道主三焦約大小便不通 營衝四穴主大小便不利

秩邊 包肓主瘞閉下重大小便難

會陰主陰中諸病前後相引痛不得大小便

大腸輸 八竅主大小便利

陽綱主大便不節小便赤黃腸鳴泄注

承扶主尻中腫大便直出陰胞有寒小便不利

屈骨端主小便不利大便泄數并灸天樞

勞宮主大便血不止尿赤

大谿主尿黃大便難

大鍾主大便難

中窳 石門 承山 大衝 中管 大鍾 大谿 承筋
主大便難

崑崙主不得大便 盲輸主大便乾腹中切痛

石關主大便閉寒氣結心堅滿

中注 浮郄主少腹熱大便堅

上廉 下廉主小便難黃 腎輸主小便難赤濁骨寒熱

會陰主小便難竅中熱

橫骨 大巨 期門主小腹滿小便難陰下縱

大敦 箕門 委中 委陽主陰跳遺小便難

少府 三里主小便不利瘞

中極 蠡溝 漏谷 承扶 至陰主小便不利失精

陰陵泉主心下滿寒中小便不利

關元主胞閉塞小便不通勞熱石淋

京門主照海主尿黃水道不通

京門主溢飲水道不通溺黃

包育 秩邊主瘞閉下重不得小便

陰交 石門 委陽主小腹堅痛引陰中不得小便

關元主石淋臍下三十六疾不得小便并灸足太陽

列缺主小便熱痛 大陵主目赤小便如血

承漿主小便赤黃或時不禁

完骨 小腸輸 白環輸 膀胱輸主小便赤黃

中管主小腸有熱尿黃 前谷 委中主尿赤難

陰谷主尿難陰痿不用 中封行間主振寒洩白尿難痛

關元主傷中尿血

凡尿青黃赤白黑青取井黃取輸赤取榮白取經黑取合

復留主淋

關元涌泉主胞轉氣淋又主小便數

陰陵泉 關元主寒熱不節腎病不可以俛仰氣痿尿黃
氣衝主腹中滿熱淋閉不得尿

曲泉主痿閉陰痿 交信主氣淋

然谷主疼疝 行間主痿閉莖中痛

復留主血淋 懸鍾主五淋

大衝主淋不得尿陰上痛 大敦氣門主五淋不得尿

曲骨主小腹脹血痿小便難 通里主遺溺

關門 中府 神門主遺尿甲乙中府

陰陵泉 陽陵泉主失禁遺尿不自知

泄痢病

京門 然谷 陰陵泉主洞泄不化

交信主泄痢赤白漏血

復留主腸僻便膿血泄痢後重腹痛如瘞狀

脾輸主泄痢不食食不生肌膚

小腸輸主泄痢膿血五色重下腫痛

丹田主泄痢不禁小腹絞痛

關元 大谿主泄痢不止 京門 崑崙主洞泄躄痛

天樞主冬月重感於寒則泄當臍痛腸胃間遊氣切痛

腹哀主便膿血寒中食不化腹中痛

尺澤主嘔泄上下出兩脇下痛束骨主腸澼泄

太白主腹脹食不化喜嘔泄有膿血

地機主溏瘕腹中痛瘕痺 陰陵泉隱白主胃中熱暴泄

大衝曲泉主溏泄痢泄下血 長強主頭重洞泄

腎輸 章門主寒中洞泄不化

會陽主腹中有寒泄注腸澼便血

三焦輸 小腸輸 下窞 意舍 章門主腸鳴臞脹欲泄注

中窳主腹脹飧泄

大腸輸主腸鳴腹臘腫暴洩

消渴

承漿主意舍關衝然谷主消渴嗜飲

勞宮主苦渴食不下

意舍主消渴身熱面目黃

曲池主寒熱渴

隱白主飲渴

行間

大衝主益乾善渴

商丘主煩中渴

水腫

公孫主頭面腫

水溝主水腫人中滿

胃倉主水腫臘脹食飲不下惡寒

章門主身潤石水身腫

屋翳主身腫皮痛不可近衣

中府

間使合谷主面腹腫

陰交石門主水脹水氣行皮中小腹皮敦敦然小便黃氣滿

關元主小腹滿石水

四滿然谷主大腹石水

關門主身腫身重

天樞 豐隆 厲兌 陷谷 衝陽主面浮腫

氣衝主大氣石水

天府主身脹逆息不得卧風汗身腫喘息多唾

解谿主風水面肘腫顏黑 豐隆主四肢腫身濕

上廉主風水膝腫 三里主水腹脹皮腫

陷谷主列缺主面目癰腫 大敦主大腹腫脹臍腹邑邑

臨泣主腋下腫胷中滿 天牖主乳腫缺盆中腫

丘墟 陽蹻主腋下腫寒熱頸腫

崑崙主腰尻腫踠跟腫 復留 豐隆主風逆四肢腫

曲泉主腹腫 陰谷主寒熱腹偏腫

列缺主汗出四肢腫 完骨 巨窕主頭面氣肘腫

陽陵泉主頭面腫

凡頭目癱腫留飲腎脇支滿刺陷谷出血立已 不能食病
豐隆主不能食 石門主不欲食穀入不化

天樞 厲兌 內庭主食不化不嗜食食俠臍急

維道主三焦有水氣不能食 中封主身黃有微熱不嗜食

然谷 內庭 脾輸主不嗜食

胃輸 腎輸主胃中寒脹食多身羸瘦

胃輸主嘔吐筋孿食不下不能食

大腸輸 周榮主食不下喜飲

陽綱 期門 少商 勞宮主飲食不下

章門主食飲不化入腹還出熱中不嗜食苦吞而聞食臭傷

飽身黃酸疼羸瘦

中庭 中府主膈寒食不下嘔吐還出

食噎貫主膈中雷鳴察察隱隱常有水聲

巨闕主膈中不利 上管 中管主寒中傷飽食飲不化

中極主飢不能食

凡食飲不化入腹還出先取下管後取三里瀉之
凡不嗜食刺然谷多見血使人立飢

嘔吐病

商丘主脾虛令人病寒不樂好太息多寒熱喜嘔

俞府 靈墟 神藏 巨闕主嘔吐胃滿

率谷主煩滿嘔吐 天容主欬逆嘔沫

胃輸 腎輸主嘔吐 中庭中府主嘔逆吐食下還出

曲澤主逆氣嘔涎 石門主嘔吐

維道主嘔逆不止 陽陵泉主嘔宿汁心下澹澹

少商 勞宮主嘔吐 絕骨主病熱欲嘔

商丘 幽門 通谷主喜嘔大鍾 大谿主煩心滿嘔

塊門陽開主嘔吐不住多涎隱白主膈中嘔吐不欲食

巨闕 胃堂主吐食 膈輸主吐食又灸章門胃管

大敦主噦噫又灸石開 內廷主喜頻伸數欠惡聞人音

吐血病

上管 不容 大陵 主嘔血

胃堂 脾輸 手心主 間使 胃管 天樞 肝輸 魚際

勞宮 肩輸 大谿主唾血吐血

郄門主衄血嘔血 大泉 神門主唾血振寒嘔血上氣

手少陰郄主吐血 委中 隱白主衄血劇不止

行間主短氣嘔血背脊痛

大衝主面唇色白時時歐血女子漏血

涌泉主衄不止 然谷主欬唾有血

凡內損唾血不足外無膏澤地五會主之刺入三分持息灸

凡唾血瀉魚際補尺澤

欬逆上氣

天容 廉泉 魄戶 氣舍 譙譙 扶突主欬逆上氣喘

息 歐沫 齒噤 逆甲乙云陽氣大逆上滿於胃中 虛肩息大氣

咽之 噤泉欬逆上氣 魄戶及氣舍 譙譙主之

頭維主喘逆煩滿歐沫流汗

缺盆 心輸 肝輸 巨闕 鳩尾主欬唾血

期門 右手屈臂中橫文外骨上主欬逆上氣

缺盆 膻中 巨闕主欬嗽

然谷 天泉 陷谷 胃堂 章門 曲泉 天突 雲門

肺輸 臨泣 肩井 風門 行間主欬逆

維道主欬逆不止 天府主上氣喘不得息

扶突主欬逆上氣咽中鳴喘

魄戶 中府主肺寒熱呼吸不得卧欬逆上氣嘔沫喘氣相

追逐 肺輸 腎輸主喘欬少氣百病

或中 石門主欬逆上氣涎出多唾

大包主大氣不得息 天池主上氣喉鳴

天突 華蓋主欬逆上氣喘暴

紫宮 玉堂 大谿主欬逆上氣心煩

膻中 華蓋主短氣不得息不能言

輸府 神藏主欬逆上氣喘不得息

或中 雲門主欬逆上氣羨出多唾呼吸喘悸坐不安席

步郎 安都主膈上不通呼吸少氣喘息

氣戶 雲門 天府 神門主喘逆上氣呼吸肩息不知食味

庫房 中府 周榮 尺澤主欬逆上氣呼吸多士澤沫膿血

中府主肺系急欬胸背痛 經渠 行間主喜欬

鳩尾主噫喘背滿欬嘔

期門主喘逆卧不安席欬脇下積聚

經渠主欬逆上氣喘掌中熱俠白主欬乾歐煩滿

大陵主欬逆寒熱發少海主氣逆呼吸噫噦嘔

少商大陵主欬逆喘大泉主欬逆背滿喘不得息

勞宮主氣逆噫不止三里主欬嗽多唾

支溝主欬面赤而熱肩輸主上氣

前谷主欬而背滿

欬喘曲澤出血立已又主卒欬逆逆氣

欬唾噫善欬氣無所出先取三里後取太白章門賁豚

章門石門陰交主賁豚上氣甲乙云賁豚氣上腹腫章門主

先引腰後引少腹腰臑少腹堅痛引陰中不得小便兩丸

關元主賁豚寒氣入小腹

環交

中極主責脉上搶心甚則不得息

天樞主責脉脹疝疝配腫氣疝煩

歸來主責脉外上入引莖痛 期門主責脉上下

然谷主胷中寒脉代時不至寸口少腹脹上搶心

四肢第三

手病

掖門主手臂痛 巨闕主手清

肩貞主手臑小不舉 陰交主手脚拘攣

少商主手不仁 列缺主手臂身熱

大陵主手攣不伸 內關主手中風熱

大陵主手制手 間使主手痛

曲澤主手青逆氣

中衝勞宮 少衝大泉 經渠 列缺主手掌熱肘中痛

神門 少海主手臂攣 曲池主手不舉

養老主手不得上下 內庭主四厥手足悶

腕骨 中渚主五指掣不可屈伸

尺澤主掣痛手不可伸 前腋主臂裏攣急手不上舉

曲池主手不可舉重腕急肘中痛難屈伸

陽谿主臂腕外側痛不舉 心輸 肝輸主筋急手相引

臂肘病

尺澤 關衝 外關 竅陰主臂不及頭

前谷 後谿 陽谿主臂重痛肘攣

臑會 支溝 曲池 腕骨 肘節主肘節痺臂酸重腋急

痛肘難屈伸

腕骨 前谷 曲池 陽谷主臂腕急腕外側痛脫如拔

天井 外關 曲池主臂痿不仁

大泉 經渠主臂內廉痛 巨骨 前谷主臂不舉

肩窳 天宗 陽谷主臂痛 關衝主肘疼不能自帶衣

魚際 靈道主肘攀柱滿 大陵主肘攀腋腫

間使主肘內廉痛

曲池 關衝 三里 中渚 陽谷 尺澤主肘痛時寒

地五會 陽輔 申脉 委陽 天池 臨泣主腋下腫

中脰輸 謫謫主腋攀

肩背病

氣舍主肩腫不得顧

天井主肩痛痿痺不仁肩不可屈伸肩肉麻木

曲池 天窳主肩重痛不舉

肩貞 關衝 肩髃主肩中熱頭不可以顧

巨骨主肩中痛不能動搖 支溝 關衝主肩臂酸重

清冷泉 陽谷主肩不舉不得帶衣

天宗主肩重臂痛

肩外輸主肩甲痛而寒至肘

曲垣主肩甲周痺

後谿主肩臑痛

腕骨主肩臂疼

養老天柱主肩痛欲折

涌泉主肩背頸項痛

天牖 缺盆 神道 大杼 天突 水道 巨骨主肩背痛

膈輸 譙譙 京門 尺澤主肩背寒瘕肩甲內廉痛

前腋主肩腋前痛與曾相引

列缺主肩背寒慄少氣不足以息寒厥交兩手而脊凡實則肩背熱背汗出四肢暴腫虛則肩寒慄氣不足以息

腰脊病

神道 谷中 腰輸 長強 大杼 膈關 水分 脾輸

小腸輸 膀胱輸主腰脊急強

腰輸 長強 膀胱輸 氣衝 上窳 下窳 居膠主腰痛

小腸輸 中髎輸 白環輸主腰脊疝痛

次窳主腰下至足不仁

次窳 胞育 承筋主腰脊痛惡寒

志室 京門主腰痛脊急

三里 陰市 陽輔 蠡溝主腰痛不可以顧

束骨 飛揚 承筋主腰痛如折

申脉 大衝 陽蹻主腰痛不能舉

崑崙主脊強背尻骨重 合陽主腰脊痛引腹

委中主腰痛俠脊至頭几几然凡腰脚重痛於此刺出血久

固宿疹亦皆立已

委陽 殷門甲乙云腰痛 太白 陰陵泉 行間主腰痛不

可俛仰

扶承主腰脊尻臀股陰寒痛

涌泉主腰脊相引如解

甲乙云腰痛大便難

大鍾主腰脊痛

陰谷主脊內廉痛

陽輔主腰痛如錘居中腫痛不可以效效則筋縮急諸節痛

上下無常寒熱

附分主背脊痛引頭

膈關

秩邊

京骨主背惡寒痛脊強難以俛仰

京門

甲乙云腰痛

石關主脊脊反折

脚病

崑崙主脚如結踝如別

京骨

承山

承筋

商丘主脚攣

行間主厥足下熱

然谷主足不能安脛酸不能久立

中都主足下熱脛寒不能久立濕痺不能行

陰陵泉主足痺痛

承山 承筋主脚脛酸脚急跟痛脚筋急痛兢兢
復留主脚後廉急不可前却足跗上痛

京骨 然谷 腎輸主足寒 僕參主足跟中踝後痛

大谿主手足寒至節 大谿 次筭 膀胱輸主足清不仁

地倉 大泉王足踳躄不能行 光明主痿躄坐不能起

浮白主足緩不收 天柱 行間主足不住身

衝陽 三里 僕參 飛揚 復留 完骨主足痿失履不收

條口 三里 承山 承筋主足下熱不能久立

風府 腰輸主足不仁

丘墟主腕不收坐不得起髀樞脚痛

陽輔 陽交 陽陵泉主髀樞膝骨痺不仁

環跳 束骨 交信 陰交 陰告主髀樞中痛不可舉

臨泣 三陰交主髀中痛不得行足外皮痛

申脉 隱白 行間主脛中寒熱

太衝 涌泉主脛酸 付陽主喘外廉骨痛

飛揚主喘中痛 復留主脛寒不能自温

至陰主風寒從足小指起脉痺上下

至陽主脛疼四肢重少氣難言

厲兌 條口 三陰交主脛寒不得卧

内庭 環鈹主脛痛不可屈伸

陽間 環鈹 承筋主脛痺不仁

涌泉 然谷主五指盡痛足不踐地

凡髀樞中痛不可卒以毫針寒而留之以月生死為息數立已

膝病

風市主兩膝攣痛引脇拘急躄廢或青或焦或枯或鰲如腐

木 曲泉主膝不可屈伸

中封主少氣身重濕膝腫內踝前痛

大衝主膝內踝前痛

解谿 條口 丘墟 太白主膝股腫脢酸轉筋

合陽主膝股重 上廉主風水膝腫

犢鼻主膝中痛不仁

梁丘 曲泉 陽關主筋攣膝不得屈伸不可以行

陰市主膝上伏兔中寒

髀關主膝寒不仁痿痺不得屈伸

俠谿 陽關主膝外廉痛

光明主膝痛脛熱不能行手足偏小

犢鼻主膝不仁難跪

膝關主膝內廉痛引臏不可屈伸連腹引喉咽痛

凡犢鼻腫可灸不可刺若其上堅勿攻攻之即死

四肢病

章門主四肢解惰喜怒

曲泉 付陽 天池 大巨 支溝 小海 絕骨

前谷主四肢不舉

五里 三陽絡 天井 厲兌 三間主嗜卧四肢不欲動搖

列缺主四肢厥喜笑

復留 豐隆 大都主風逆四肢腫 照海主四肢淫灑

風痺第四

風病

率谷主醉酒風熱發兩目眩痛甲乙云不能飲

完骨主風頭耳後痛煩心甲乙云及足不收失履口

天柱主風眩

天府 曲池 列缺 百會主惡風邪氣泣出喜忘

陽谷主風眩驚手捲泄風汗出腰項急甲乙手捲作手腕痛

陰蹻主風暴不知人偏枯不能行 絕骨主風勞身重

解谿主風從頭至足面目赤 臨泣主大風目痛甲乙云目外皆痛

俠谿主脊中寒如風狀頭眩兩頰痛 崑崙主狂易大風

付陽主痿啞風頭重痛 涌泉主風入腹中

照海主大風默默不知所痛視如見星

內關主手中風熱 間使主頭身風熱

商陽主耳中風生 關衝主面黑渴風

天井主大風默默不知所痛悲傷不樂

後溪主風身寒 掖門主風寒熱

上關主瘕瘕沫出寒熱瘥引骨痛

巨闕 照海主瘕瘕引臍腹短氣

中脘輸 長強 腎輸主寒熱瘥反折

脾輸 膀胱輸主熱瘥引骨痛

肝輸主筋寒熱瘥筋急手相引

天井 神道 心輸主悲愁恍惚悲傷不樂

命門主瘕瘕裏急腰腹相引

魚際主瘥上氣失瘥不能言 通理主不能言

濕痺

曲池 列缺主身濕揺時時寒

風市主緩縱痿痺喘腸疼冷不仁

中瀆主寒氣在分肉間痛苦痺不仁

陽關主膝外廉痛不可屈伸脛痺不仁

懸鍾主濕痺流腫髀筋急瘕脛痛

豐隆主身濕

陽陵泉主髀痺引膝股外廉痛不仁筋急

絕骨主髀樞痛膝脛骨搖酸痺不仁筋縮諸節酸折

曲泉主卒痺病引臏下節 漏谷主久濕痺不能行

商丘主骨痺煩滿 中封主瘈厥身體不仁少氣身濕重

臨泣主身痺洗浙振寒

凡身體不仁先取京骨後取中封絕骨皆寫之

癩疾

偏歷 神庭 攢竹 本神 聽宮 上星 百會 聽會

築賓 陽谿 後頂 強間 腦戶 絡却 玉枕主癩疾嘔

攢竹 小海 後頂 強間主癩發瘈瘲狂走不得卧心中煩

兌端 斷交 承漿 大迎 絲竹空 兪會 天柱

商丘 主癩疾嘔沫寒熱瘧互引

承漿 大迎主寒熱悽厥鼓頷癩瘡口噤

上關主瘈瘲沫出寒熱瘡

絲竹空 通谷主風癩癩疾涎沫狂煩滿

腦戶 聽會 風府 聽宮 翳風主骨痠眩狂瘖瘖口噤

喉鳴沫出瘖不能言

金門 僕參主癩疾馬癩

解谿 陽蹻主癩疾 崑崙主癩瘖口閉不得開

商丘主癩瘖 臑會 申脉主癩疾腠氣

尺澤 然谷主癩疾手臂不得上頭

列缺主熱癩驚而有所見

飛揚 太乙 滑肉門主癩疾狂吐舌

長強主癩疾發如狂面皮敦敦者不治

偏歷主癩疾多言耳鳴口僻

溫留 僕參主癩疾吐舌鼓頷狂言見鬼

曲池 少澤主瘖瘖癩疾

筋縮 曲骨 陰谷 行間主驚癇狂走癲疾

間使主善悲驚狂面赤目黃瘖不能言

陽谿 天井主驚瘖

天井 小海主癲疾羊癇吐舌羊鳴戾頸

懸釐 束骨主癲疾互引善驚羊鳴

天衝主頭痛癲疾互引數驚悸

身柱主癲疾瘖瘖怒欲殺人身熱狂走譫言見鬼

風池 聽會 復留主寒熱癲什

完骨主癲疾僵仆狂瘖

通谷主心中憤憤數欠癲心下悸咽中澹澹恐

天柱主卒暴癇眩

五處 身柱 委中 委陽 崑崙主脊強反折瘖瘖癲疾

頭痛

腦空 束骨主癩疾大瘦頭痛

風府 崑崙 束骨主狂易多言不休

風府 肺輸主狂走欲自殺

胛却 聽會 身柱主狂走瘖瘖恍惚不樂

天柱 臨泣主狂易多言不休目上反

支正 魚際 合谷 少海 曲池 腕骨主狂言

驚恐

溫留 掖門 京骨主狂仆

神門 陽谷主笑若狂

陽谿 陽谷主吐舌屢頸妄言

巨闕 築賓主狂易妄言怒罵

衝陽 豐隆主狂妄行登高而歌棄衣而走

下廉 丘墟主狂言非常

勞宮 太陵主風熱善怒心中悲喜思慕歔歔喜笑不止

曲澤 太陵主心下澹澹喜驚甲乙作內闕

陰交 氣海 大巨主驚不得卧 大巨主善驚

陰蹻主卧驚視如見鬼

大鍾 郄門主驚恐畏人神氣不足

然谷 陽陵泉主心中怵惕恐如人將捕之

解谿主痠瘕而驚 少衝主大息煩滿少氣悲驚

少府主數噫恐悸氣不足 行間主心痛數驚心悲不樂

厲兌主多卧好驚 掖門主喜驚妄言面赤

神門主數噫恐悸不足 巨闕主驚悸少氣

三間 合谷 厲兌主吐舌戾頸喜驚

通里主心下悸

手少陰 陰郄主氣驚心痛

後谿主泣出而驚

腕骨主煩滿驚

卒尸厥

隱白 大敦主卒尸厥不知人脉動如故

中極 僕參主恍惚尸厥煩痛

金門主尸厥暴死

內庭主四厥手足悶者久持之厥熱腦痛腹脹皮痛者使人久持之

邪客於手足少陰大陰足陽明之絡此五絡者皆會於耳中上絡左角五絡俱竭令人身脉動如故其形無所知其狀若尸刺足大指內側爪甲上去端如韭葉後刺足心後取足中指爪甲上各一疔後取手大指之內去爪甲如韭葉後刺手心主少陰兌骨之端各一疔立已不已以筒吹其兩耳中立已不已拔其左角髮方寸燔治飲以淳酒一盃不能飲者灌

之立已

卒中惡

百會 玉枕主卒起僵仆惡見風寒

通天 脗却主暫起僵仆

大杼主僵仆不能久立煩滿裏急身不安席

飛口遁注

天府主卒中惡風邪氣飛尸惡注鬼語遁尸

豐隆主厥逆足卒青痛如刺腹若刀切之狀大便難煩心狂

見鬼好笑卒面四肢腫

旁廷在腋下四肋間高下正與乳相當乳後二寸陷中俗名

注市舉掖取之刺入五分灸五十壯主卒中惡飛尸遁注胃

脇滿

九曲中府在旁廷注市下三寸刺入五分灸三十壯主惡風

邪氣遁尸內有瘀血

熱病第五

熱病

魚際

陽谷主熱病振慄鼓頷腹滿陰痿色不變

經渠

陽池 合谷 支溝 前谷 內庭 後谿 腕骨

陽谷

厲兌 衝陽 解谿主熱病汗不出

孔最主臂厥熱痛汗不出皆灸刺之此穴可以出汗

列缺

曲池主熱病煩心心悶先手臂身熱瘰癧唇口聚鼻

張目下汗出如珠

甲乙云兩項下三寸堅脇下疼痛

中衝

勞宮 大陵 間使 開衝 少衝 陽谿 天窞

主熱病煩心心悶而汗不出掌中熱心痛身熱如火浸淫煩

滿舌本痛

勞宮主熱病三日已往不得汗怵惕

甲乙云主熱病煩滿而欲嘔噦三日已往不得

汗林揚不可反側效滿弱赤小便血不止嘔吐血
氣逆噫不止蓋中痛食不下善渴口中爛掌中熱欬嘔

間使主熱病煩心喜噓骨中澹澹喜動而熱

曲澤主傷寒温病身熱煩心口乾乙云心澹然善驚身熱

肘瘕善搖頭頰清汗出不過眉傷寒温病曲澤主之

通理主熱病先不樂數日

掖門 中渚 通理主熱病先不樂頭痛面熱无汗

三間主氣熱身熱喘甲乙云寒熱口乾身熱喘息眼目急痛善驚

温留主傷寒寒熱頭痛噓肩不舉

曲池主傷寒餘熱不尽

上管 曲差 上星 陶道 天柱 上窅 懸釐 風池

命門 膀胱輸主煩滿汗不出

飛揚主下部寒熱汗不出躄重

五處 攢竹 正營 上管 缺盆 中府主汗出寒熱

承漿主汗出衄血不止

巨闕主煩心喜嘔

甲乙云心腹脹噫煩熱善嘔膈中不通

百會主汗出而嘔痊

商丘主寒熱好嘔

懸顱主熱病頭痛身熱

玉枕 大杼

肝輸 心輸

膈輸

陶道主汗不出悽厥惡寒

懸釐

鳩尾主熱病偏頭痛引目外眦

少澤主振寒小指不用頭痛

大椎主傷寒熱盛煩嘔

膈輸 中府主寒熱皮肉骨痛少氣不得臥支滿

列缺主寒熱掌中熱

神道 關元主身熱頭痛進退往來

曲泉主身熱頭痛汗不出

膈輸主嗜卧怠惰不欲動搖身當濕不能食

三焦輸主頭痛食不下

魚際主頭痛不甚汗出

腎輸主頭身熱赤振慄腰中四肢淫漑欲嘔

天井主振寒頸項痛

肩井 關衝主寒熱悽索氣上不得卧

尺澤主氣隔喜嘔鼓頤不得汗煩心身痛

肩貞主寒熱項歷適

甲乙云耳鳴無聞引缺盆肩中熱痛麻小不舉

委中主熱病俠脊痛

大都主熱病汗出且厥足清

外臺云汗不出厥手足清

太白主熱病先頭重顏痛煩悶心身熱熱爭則腰痛不可以

俛仰又熱病滿悶不得卧身重骨痛不相知

支正 少海主熱病先腰脛酸喜渴數飲食身熱項痛而強

振寒寒熱

甲乙云主振寒寒熱頭眩痛虛則生疔小者疔疥

衝陽主振寒而欠

後谿主身熱惡寒

復留主寒熱無所安汗出不止風逆四肢腫

光明主腹足清寒熱汗不出

皆先補之
凡熱病煩心足寒清多汗先取然谷後取大谿大指間動脈

熱病先腰脛酸喜渴數飲身清清則項痛而寒且酸足熱不欲言頭痛顛顛然先取涌泉及太陽并榮熱中少氣厥寒灸之熱去灸涌泉三壯煩心不嗜食灸涌泉熱去四逆喘氣偏風身汗出而清皆取俠谿

凡熱病刺陷谷足先寒寒上至膝乃出針身痺洗浙振寒季脇支滿痛

凡溫病身熱五日已上汗不出刺大泉留針一時取針若未

滿五日者禁不可刺

凡好太息不嗜食多寒熱汗出病至則喜歐歐已乃衰即取
公孫及井輸實則腸中切痛厥頭面腫起煩心狂多飲不嗜
卧虛則鼓脹腹中氣大滿熱痛不嗜食霍乱公孫主之

黃疸

然谷主黃疸一足寒一足熱喜渴

甲乙云舌縱煩滿

章門主傷飽身黃

中封

五里主身黃時有微熱

甲乙云不嗜食膝內廉內踝前痛少氣身躄重

太衝主黃疸熱中喜渴

脊中主黃疸腹滿不能食

脾輸主黃疸喜欠不下食脇下滿欲吐身重不欲動

中管

大陵主目黃振寒

勞宮主黃疸目黃

大谿主黃疸甲乙云消瘴善端氣走喉咽而不能言手足清大便難盛中腫痛唾血口中熱唾如膠

脾輸 胃管主黃疸

霍亂

巨闕 關衝 支溝 公孫 陰陵泉主霍亂

期門主霍亂泄注

太陰 大都 金門 僕參主厥逆霍亂

魚際主胃逆霍亂 太白主霍亂逆氣

三里主霍亂遺矢失氣 解谿主膝重脚轉筋濕痺

大泉主眼青轉筋乍寒乍熱缺盆中相引痛

金門 僕參 承山 承筋主轉筋霍亂

承筋主瘈瘲脚酸甲乙云霍亂脛不仁

丘墟主脚急腫痛戰掉不能久立附筋足攣

竅陰主四肢轉筋

委中 委陽主筋急身熱

凡霍亂頭痛背滿呼吸喘鳴窮窘不得息人迎主之

凡霍亂泄出不自知先取太谿後取太倉之原

瘧病

列缺 後谿 少澤 前谷主瘧寒熱

陽谷主瘧脇痛不得息

飛揚主狂瘧頭眩痛瘕反折

太鍾主多寒少熱

太谿主熱多寒少甲乙云瘧悶區甚熱多寒少欲閉戶而處寒厥足熱

商丘主寒瘧腹中痛

中封主色蒼蒼然太息振寒

丘墟主瘧振寒甲乙云掖下腫

崑崙主瘧多汗甲乙云如腰項痛不能拔

衝陽主瘧先寒洗浙甚久而熱熱去汗出

臨泣主瘧日西發 俠谿主瘧足痛

然谷主温瘧汗出 天府主瘧病

少海主瘧背振寒 神乙云頰痛引少腹中四肢不舉

天樞主瘧振寒熱成程狂言

少商主振慄鼓頷

商丘 神庭 上星 百會 完骨 風池 神道 掖門

前谷 光明 至陰 大杼主瘧瘧熱

陰都 少海 商陽 三間 中渚主身熱瘧病

太泉 太谿 經渠主瘧欬逆心悶不得卧寒熱

列缺主瘧甚熱 陽谿主瘧甚苦寒欬歐沫

大陵 腕骨 陽谷 少衝主乍寒乍熱瘧

合谷 陽池 俠谿 京骨主瘧寒熱

諛喜 支正 小海主風瘧

偏歷主風瘧汗不出 溫留主瘧面赤腫

三里 陷谷 俠谿 飛揚主瘧瘧少氣

天井主瘧食時發心痛悲傷不樂

少澤 復留 崑崙主瘧寒汗不出

厲兌 內庭主瘧不嗜食惡寒

衝陽 束骨主瘧從脚脗起

瘰癧第六

瘰癧

天府 臑會 氣舍主瘰癧氣咽腫仰天府

腦戶 通天 消灤 天突主頸有大氣

通天主瘰癧灸五十壯骨堂羊矢灸一百壯

痔瘻

飛揚主痔篡傷痛

支溝 章門主馬刀腫痿 絕骨主痿馬刀掖腫

商丘 復留主痔血泄後重

大迎 五里 臂臑主寒熱頸瘰癧

天突 章門 天池 支溝主漏

天突 天窻主漏頸痛 勞宮主熱痔 會陰主痔與陰相通者死

俠谿 陽輔 太衝主掖下腫馬刀痿

承筋 承扶 委中 陽谷主痔痛掖下腫

商丘主痔骨蝕喜魘夢

竅陰主癰疽頭痛如錐刺不可以動動則煩心

太陵 支溝 陽谷 後谿主痂疥

癰疔

曲泉主癰疔陰跳痛引臍中不尿陰痿

中都主癩疝崩中

合陽 中郟主癩疝崩中腹上下痛腸澀陰暴敗痛

照海主四肢淫灤身悶陰暴起疝

大谿主胞中有大疝痕積聚與陰相引

商丘主陰股內痛氣癰狐疝走上下引小腹痛不可以俛仰

關元主癩疝 肩井傍肩解與臂相接處主偏癩

巨闕主狐疝 大衝主狐疝歐厥

中管主衝疝冒死不知人

臍中 石門 天樞 氣海主少腹疝氣遊行五藏疝繞臍

衝曾不得息 甲乙云臍疝繞臍痛衝曾不得息灸臍中臍疝繞臍痛石門主之臍疝繞臍痛時止天樞主之

石門主腹滿疝積 關元主暴疝痛

大敦主卒疝暴痛陰跳上入腹寒疝陰挺出偏大腫臍腹中

邑邑不樂小便難而痛灸刺之立已左取右右取左 甲乙云照海主之

四滿主臍下疝積

甲乙云胞中有血

天樞主氣疝歐

大巨主癰疝偏枯

交信主氣瘞癰疝陰急股樞膊內廉痛

中封主癰疝瘞暴痛痿厥身躄不仁

氣衝主癰陰腫痛陰痿莖中痛兩丸塞痛不可仰卧

曲泉主癰疝陰跳痛引莖中不得尿

大陰郄 衝門主疝瘕陰疝

少府主陰痛實時挺長寒熱陰暴痛遺尿偏虛則暴養氣逆

卒疝小便不利

陰市主寒疝下至腹膝腰腰痛如清水小大作腹諸疝按之

下至膝上伏兔中寒疝痛腹脹滿痿少氣

大衝 中封 地機主癰疝精不足

中極主失精 魚際主陰濕腹中餘疾

五樞主陰疝兩丸上下少腹痛

陰交 石門主兩丸騫

大衝主兩丸騫縮腹堅不得卧甲乙云環臍痛陰騫兩

大赫 然谷主精溢陰上縮

會陰主陰頭寒 曲泉主陰痿

陰谷主陰痿不用小腹急引陰內廉痛

行間主莖中痛

雜病第七 論一首

膏肓輸無所不治主羸瘦虛損夢中失精上氣欬逆狂惑忘
誤取穴法令人正坐曲脊申兩手以臂著膝前令正直手大
指與膝頭齊以物支肘勿令臂得動搖從胛骨上角摸索至
胛骨下頭其間當有四肋三間灸中間依胛骨之裏肋間空
去胛骨容側指許摩臑肉之表肋間空處按之自覺牽引曾

戶中灸兩胛中各一處至六百壯多至千壯當覺氣下龍龔
然如流水狀亦當有所下出若無停痰宿疾則無所下也若
病人已困不能正坐當令側卧挽上臂令前求取穴灸之也
求穴大較以右手從右肩上住指頭表所不及者是也左手
亦然乃以前法灸之若不能久正坐當伸兩臂者亦可伏衣
襟上伸兩臂令人挽兩胛骨使相離不爾胛骨覆穴不可得
也所伏衣襟當令大小常定不爾則失其穴也此灸訖後令
人陽氣康盛當消息以自補養取身體平復其穴近第五椎
相準望取之

論曰昔秦緩不救晉侯之疾以其在膏之上育之下針藥所
不及即此穴是也時人拙不能求得此穴所以宿痼難遣若
能用心方便求得灸之無疾不愈矣

三里主腹中寒脹滿腸鳴腹痛胃腹中瘀血小腹脹皮腫陰

氣不足小腹堅熱病汗不出喜嘔口苦壯熱身反折口噤鼓
頷腰痛不可以顧顧而有所見喜悲上下求之口僻乳腫喉
痺不能言胃氣不足久泄利食不化脇下柱滿不能久立膝
痿寒熱中消穀苦飢腹熱身煩狂言乳癰喜噫惡寒聞食臭狂
歌妄笑恐怒大罵霍亂遺尿失氣陽厥悽悽惡寒頭眩小便
不利喜噦凡此等疾皆灸刺之多至五百壯少至二三百壯
涌泉主喜喘喉痺身熱痛脊脇相引忽忽喜忘陰痺腹脹腰
痛大便難肩背頸項痛時眩男子如蠱女子如阻身體腰脊
如解不欲食喘逆足下清至膝咽中痛不可內食痞不能言
小便不利小腹痛風入腸中癩疾俠臍痛急胃脇柱滿痛衄
不止五疝指端盡痛足不踐地凡此諸疾皆主之

婦人病第八

少腹堅痛月水不通刺帶脉入六分灸五壯在季肋端一寸

八分作端下

漏下若血閉不通逆氣脹刺血海入五分灸五壯在膝臑上
內廉白肉際二寸半

漏血少腹脹滿如阻體寒熱腹徧腫刺陰谷入四分灸三壯

在膝內輔骨後大筋之下小筋之上屈膝乃得之甲乙云漏血小便黃陰谷主之

女子疝瘕按之如以湯沃兩股中少腹腫陰挺出痛經水來

下陰中腫或癢澀青汁如葵羹血閉無子不嗜食刺曲泉在

膝內輔骨下大筋上小筋下陷中屈膝乃得之刺入六分灸

三壯

疝瘕按之如以湯沃股內至膝癢泄陰中痛少腹痛堅急重

下濕不嗜食刺陰陵泉入二分灸三壯在膝下內側輔骨下

陷中伸足乃得之

經逆四肢淫漑陰暴跳疝小腹偏痛刺陰驕入三分灸三壯

在內踝下容瓜甲即照海也

少腹大字難嗑乾嗜飲俠臍疝刺中封入四分灸三壯在內

踝前一寸半伸足取之

女子不字陰暴出經漏刺然谷入三分灸三壯在足內踝前

起大骨下陷中

字難若胞衣不出泄風從頭至足刺崑崙入五分灸三壯在

足外踝後跟骨上

月事不利見赤白而有身反敗陰寒刺行間入六分灸三壯

在足大指間動應手

月閉溺赤脊強互引反折汗不出刺腰輸入二寸留七呼灸

三壯在第二十一推節下間

絕子瘡寒熱陰挺出不禁白瀝瘥脊反折刺上窞入二寸留

七呼灸三壯在第一空腰髀下一寸俠脊

赤白瀝心下積脹腰痛不可俛仰刺次窅入三寸留七呼灸
三壯在第二空俠脊陷中

赤淫時白氣瘥月事少刺中窅入二寸留七呼灸三壯在第三空俠脊陷中

下蒼汁不禁赤瀝陰中癢痛引少腹控眇不可以俛仰刺腰

尻交者兩胛上以月生死為疝數發針立已

下窅云

腸鳴泄注刺下窅入二寸留七呼灸三壯在第四空俠脊陷中
赤白裏急瘕瘕刺五樞入一寸灸五壯在帶脉下三寸

拘攣腹滿疝月水不下乳餘疾絕子陰癢黃豚上臍腹堅痛
下引陰中不得小便刺陰交入八分灸五壯在臍下一寸

腹滿疝積乳餘疾絕子陰癢黃豚上臍少腹堅痛下引陰中
不得小便刺石門入五分在臍下二寸忌灸絕孕

絕子衄血在內不下胞轉不得尿小腹滿石水痛刺開元入

二寸灸七壯在臍下三寸又主引脇下脹頭痛身背熱責豚
寒小便數泄不止

子門不端小腹苦寒陰癢及痛責豚搶心飢不能食腹脹經
閉不通小便不利乳餘疾絕子內不足刺中極入二寸留十
呼灸三壯在臍下四寸

赤白沃陰中乾痛惡合陰陽小腹臄堅小便閉刺屈骨入一
寸半灸三壯在中極下一寸

月水不通奔泄氣上下引腰脊痛刺氣穴入一寸灸五壯在
四滿下一寸

胞中痛惡血月水不以時休止腹脹腸鳴氣上衝骨刺天樞
入五分灸三壯去盲輸一寸半

少腹脹滿痛引陰中月水至則腰背痛胞中痠子門寒大小
便不通刺水道入二寸半灸五壯在大巨下三寸

月水不利或暴閉塞腹脹滿瘥淫灑身熱乳難子上搶心若
胞不出衆氣盡亂腹中絞痛不得反息正仰卧屈一膝伸一
膝並氣衝針上入三寸氣至瀉之在歸來下一寸動脉應手
產餘疾食飲不下賁脉上下傷食腹滿刺期門入四分灸五
壯在第二肋端

乳癰驚痺脛重足跗不收跟痛刺下廉入三分灸三壯在上
廉下三寸

月水不利見血而有身則敗乳腫刺臨泣入二分灸三壯在
足小指次指間去俠谿一寸半

女子疝及小腹腫溇泄瘥遺尿陰痛面塵黑目下眚痛漏血
刺太衝入三分灸三壯在足大指本節後二寸中動脉

女子疝赤白淫下時多時少暴腹痛刺蠡溝入三分灸三壯
在內踝上五寸

女子無子歎而短氣刺涌泉入三分灸三壯在足心陷者中乳難子上衝心陰疝刺衝門入七分灸五壯在府舍下上去大橫五寸

女子不下月水痺驚善悲不樂如墮墜汗不出刺照海入四分灸二壯在內踝下四分又主女子淋陰挺出四肢淫灑血不通刺會陰入二寸留七呼灸三壯在大便前小便後子藏中有惡血內逆滿痛刺石關入一寸灸五壯在陰都下一寸

育門主乳餘疾

俠谿主少腹堅痛月水不通

神封 膺窻主乳癰寒熱短氣卧不安

三里主乳癰有熱

乳根主膺腫乳癰悽索寒熱痛不可按

天谿 俠谿主乳腫癰潰 大泉主妬乳膺胃痛

四滿主子藏中有惡血內逆滿痛疝

中極主拘攣腹疝月水不下乳餘疾絕子陰癢

四滿主胞中有血 大赫主女子赤沃

氣衝主無子小腹痛 支溝主女人脊急目赤

陰廉主絕產若未曾產 築賓主大疝絕子

涌泉 陰谷主男子如蠱女子如阻身體腰脊如解不欲食

水原 照海主不字陰暴出淋漏月水不來而多悶心下痛

照海主陰挺下血陰中腫或癢漉清汁若葵汁

小兒病

本神 前頂 息會 天柱主小兒驚癇

臨泣主小兒驚癇反視

顛息主小兒癇喘不得息

千金方三十
四
青
懸鍾主小兒腹滿不能食飲

明眊
明眊主小兒驚癇瘦瘵多吐泄注驚恐失精視瞻不

然谷主小兒臍風口不開善驚

諵諵主小兒食晦頭痛

備急千金要方卷第三十

校定備急千金要方後序

臣嘗讀唐令見其制爲醫者皆習張仲景傷寒陳延之小品張仲景書今尚存于世得以迹其爲法莫不有起死之功焉以類推之則小品亦仲景之比也常痛其遺逸無餘及觀陶隱居百一方王道外臺秘要多顯方之所由來乃得反覆二書究尋於千金方中則仲景之法十居其二二小品十居其五六粹乎哉孫真人之爲書也既備有漢志四種之事又兼載唐令二家之學其術精而博其道深而通以今知古由後視今信其百世可行之法也臣今所咏嘆不能已者乃其書法也至於其爲人行事則盧照隣嘗云道洽古今學殫術數高談正一則古之蒙莊子深入不二則今之維摩詰則其爲人賢否不待今之稱述而可知已世俗妄人方區區稱海上龍宮之事以附致爲竒何所發明於孫真人哉

治平三年正月二十五日

進呈訖至四月二十六日奉

聖旨鏤板施行

朝奉郎守太子右贊善大夫同校正醫書騎都尉賜緋魚袋臣高保衡

朝奉郎守尚書都官員外郎同校正醫書騎都尉臣孫奇

朝奉郎守尚書司封郎中充祕閣校理判登聞檢院上護軍賜緋魚袋臣林億

龍圖閣學士朝散大夫尚書部侍郎兼侍講審刑院事兼判少府監提舉醴泉觀兼提舉校正醫書

上柱國彭城郡開國公食邑三千一百戶食實封二百戶賜紫金魚袋臣錢象先

推忠協謀同德佐理功臣光祿大夫行尚書吏部侍郎叅知政事上柱國天水

郡開國公食邑三千五百戶食實封捌伯戶 臣趙 槃

推忠協謀同德佐理功臣光祿大夫行尚書吏部侍郎叅知政事上柱國樂安

郡開國公食邑三千八百戶食實封捌伯戶 臣歐陽 脩

推忠協謀同德佐理功臣開府儀同三司書侍郎兼鄧高書同書勳王章事集賢殿學士上

柱國廬陵郡開國公食邑八千二百戶食實封貳陸伯戶 臣曾 亮

推忠協謀同德佐理臣開府儀同三司尚書右僕射兼門下侍郎尚書門下事章事昭文館大學士監脩國

史兼譯經潤使柱國魏國公食邑五千七百戶食實封肆貳伯戶 臣韓 琦

金澤文庫

豈知此氣正江戶醫西學
瓜爾軒本本景豐開周